

سامى محمد إبراهيم فرغلى
(قربان المصرى)

مقدرش على كدا و مقام السيدة

مسرحية
(فانتازيا كوميدية)

المسرحية الفائزة بلقب فارس الإبداع العربى 2020

صدرت الطبعة الأولى فى نوفمبر 2020



بطاقة الكتاب

| | |
|----------------------|-----------------------------|
| عنوان المؤلف | مقدرش على كدا ومقام السيدة |
| المؤلف | سامى محمد إبراهيم فرغلى |
| التصنيف | مسرحية (فانتازيا كوميدية) |
| رقم الإيداع القانونى | 13713 - 2020 |
| الترقيم الدولى | 978-977-6835-09-2 |
| رقم الإصدار الداخلى | الطبعة الأولى نوفمبر 2020 |
| عدد الصفحات | 116 صفحة |
| تصميم الغلاف | مؤسسة النيل والفرات |

جميع حقوق الطبع والنشر محفوظة للمؤلف، ولا يحق لأى دارنشر طبع ونشر وتوزيع الكتاب أو ترجمته أو الاقتباس منه أو نشره على النت الا بموافقة كتابية وموثقة من المؤلف

مؤسسة النيل والفرات للطبع والنشر والتوزيع

ثورة مصرية تشرق إبداعاً على الوطن العربي

رئيس مجلس الإدارة

ناجى عبد المنعم



مؤسسة
النيل والفرات
للطبع والنشر والتوزيع
أسسها الشاعر ناجى عبد المنعم
حتم 2017

رخصة مزاولة مهنة: 58365 - سجل تجاري: 13242 / 2017 - بطاقة ضريبية: 35-01-572
 عضو عامل باتحاد الناشرين المصريين رقم 941 لسنة 2018
 هاتف: 01011256943 - 01116202218 - 01202541192 - 020554372901
 النيل والفرات nagyegy200064@gmail.com
alnilwaalfourat@gmail.com
 المقر الرئيسي: ج.م.ع محافظة الشرقية - العاشر من رمضان - مجاورة 13 - أمام سنتر الـ 13 - عقار 304

الإهداء

إلى أُمى

التي لم ولن تستطيع قراءة هذه المسرحية بعد الآن لأنها ببساطة .. ودعت
الحياة

إبنك قربان المصرى

تتويه

هذه المسرحية مزيج بين الواقع والخيال وكافة الشخصيات الموجودة بها غير حقيقة ولا تمت للواقع بصلة , وإذا حدث تشابه بين أحد شخصيات المسرحية وأحد الشخصيات في الواقع فهو مجرد محض صدفة ليس إلا .

المؤلف/ سامي محمد إبراهيم فرغلي

و مقدرش على كدا و مقام السيدة

شخصيات المسرحية

- (1) الشيخ درويش: درويش من مريدي المقام الشريف يرى في نفسه المهدي المنتظر شيخُ عباد, تقول عليه زاهد من المتصوفين مع أنه جاهل بشكل فظيع تقلش عليه فقي ترب, نفعي بدرجة كبيرة بالعربي كده مشعود
- (2) (السمري) تمورجي: شخصية غريبة الأطوار ليس عنده إنتماء أوجب للبلد ويمارس أي مهنة رغما عنه للأسترزاق ليس إلا, عمره حوالي 35 سنة ولكنه يبدو أكبر بقليل, مهموم دائما, يعشق المال مبدأه الغاية تبرر الوسيلة.
- (3) دنيا: فتاة مصرية مثقفة, واعية حاصلة على ليسانس الحقوق وبتفهم في القانون مجنونة بحب مصر
- (4) رزق: شاب جامعي مثقف حاصل على بكالوريوس الهندسة, عاطل, مجنون بحب مصر
- (5) يَمَكُ المرشد: نصاب وحلنجي وبيع كلام يشتري أي شيء ويبيع أي شيء ويوظف أي شيء سليلط اللسان له أفكاره الدينية المغلوطة يحاول بها إستمالة العامة والخاصة لأهدافه الدنيئة مميز بلحيته الخفيفة وفرق شعر رأسه جهة الشمال, من سكان كفر الداعشنة, مبدأه التقية والتعريض.
- (6) العمدة علي الكيماوي: عمدة القرية وعزبة برما في العقد الخمسين من عمره, ديكتاتوري بطبعه, خفيف الظل له أرائه الفلسفية البسيطة في الحياة, غاوي تريقة على خلق الله, نفعي بشكل فظيع, لا يبهش ولا بينش.
- (7) الشيخ عماد: شيخ أزهرى متصوف مستنير وسطي, في الثلاثين من عمره رمز من رموز التحرر والتصوف يؤمن بالتغيير
- (8) حنا يعلم الله: عم حنا عمره 57 سنة ولاكن يبدو أكبر من عمره كثيرا, ذقنه محني تشبه ذقن الصينيين, يملك محل لتصليح لساعات في ميدان مقام سيدي العريان, دكانه مميز بساعة كبيرة معطلة,

على الساعة 05 و2ظهراً موجودة في واجهة المحل منذ زمن طويل, دائماً يتحسس ذقنه , جالس أمام الدكان شارد الذهن متأملاً في الأفق و الناس وكأنه منتظر شيء ما.

(9) (غفر 3,2,1 و 4 - درويش 4,3,2,1 - رجل 4,3,2,1 - امرأة 3,2,1 - صوت 5,4,3,2,1 مجموعة من الرجال والنساء والأطفال شرائح من المجتمع الريفي المصري , من المصريين البسطاء ومن عامة الشعب, خميس وجمعة أولاد جناب حضرة العمدة التوأم في الثلاثين من عمرهما خميس ماسك حصالة وجمعة ماسك طيارة لعبة عليها علم مصر, وبه بعض العتة الملحوظ وخاصة اللجلة والتلثم في النطق بشكل واضح أما خميس ياباي يحب المال قد عنيه يبيع أبوه)

ملحوظة هامة: جميع يفظ الدكاكين مكتوب عليها أسم صاحبها وشركاه مثلاً دكان (حنا الساعاتي وشركاه) وهكذا, يظهر في خلفية منازل برما مئذنة جامع الشهداء متعانقة مع منارة كنيسة ماري جرجس .

المشهد الأول

المنظر

الشارع الرئيسي لعزبة (برما) يظهر جليا للمتفرج خلفية لبعض البيوت الريفية , ومئذنة جامع ومنازة كنسية متعانقان, ويافطة إرشادية مكتوب عليها إلى الوحدة الصحية (مغلقة بالجنازير) وحجر أساس لمدرسة أبو جاعور النموذجية للتعليم الأساسي ومقام واضح لسيدي العريان ولي من أولياء الله الصالحين وبعض الدكاكين وخاصة دكان حنا الساعاتي أهم ما يميزه تلك الساعة الكبيرة أمام الدكان متوقفة عند الساعة 2,05 ظهرًا موجودة في واجهة المحل منذ زمن طويل, ودكان الحلاق (صالون مصر, الفار وشركاه)

وفي الاتجاه المعاكس يا فطة مكتوب عليها بسهم واضح (كفر الداعشنة) ويوجد في أول الطريق تمثال كبير لخيال مآته رأسه عبارة عن جمجمة وعظمتان متقاطعتان, طريق ترابي وترعة وأشجار كافور وبعض الدكك وخلافه من مظاهر ريفنا المصري جموع من الفلاحين رجال ونساء وأطفال وشيوخ ودرأويش والمنشد من مريدي الموالد. (خروج ودخول العمدة من الكالوس أعلى منتصف المسرح وبدايته يا فطة إرشادية مكتوب عليها طريق برما محلة المرحوم)

- رجل 1 : يا حضرة العمدة .. ياعمدة .. غيتنا يابا العمدة الكيماوي .. غيتنا يا الكيماوي
- رجل 2: العمدة الكيماوي مش عايز يجيها البر أبدا .. بيحفر قبره بإيده .. أخرته وجشه
- رجل 3: ربنا يخيب ظنك (لرجل 2) .. أظهر وبان وعليك الأمان .. وحية ولادك اللتين يا عمدتنا
- رجل 1: ولاده اللتين قصدك خميس برايز وجمعة فوبيا عليه العوض ومنه العوض الأولاني بيحب الفلوس قد
- عليه ومشارك طوب الأرض (يشاور على يفت الدكاكين) . . والتاني قايم نايم يحلم ب العمودية.. فوبيا
- رجل 2: هوه العمدة فاضي لنا ولا فاضي لنا .. قول يا باسط .. كبر دماغك ياعم الحج

- رجل 4: الرّك ع اللّٰي يصحّٰى بد ري
- رجل1: العمدة زي الأقرع مفيش فائدة فيه .. لاتعرف تشده من شعر ولا تعرف تفليه .. دنيا
- رجل2: دنيا فانية المستغطي بيها عريان
- الجميع : مدد يا عريان مدد يا عريان مدد يا أم العواجز
- رجل3: يا جماعة برما ساقطة قيد من حسابات المحروسة والعمودية وخصوصاً عمدتنا علي الكيماوي
- رجل1: الله يرحم أبوه كان رجل ولا كل الرجالة .. لا يسمع كلام حد ولاحد يقدر يقوله.. تلت التلاتة كام؟
- رجل2: ده كان زمان وجبر
- رجل4: كلام جميل كلام معقول
- رجل2: هو آيه اللّٰي جميل ومعقول دي كانت أيام سوده .. يا بابي الله ما يرجعها تاني
- رجل1: الكلام ده في الاستينات .. وما أدراك ما الستينات .. يله متجوزش عليه غير الرحمة
- رجل3: حاكم جده أكلنا مش .. وهو فينا بيغش .. ودلوقتي العمدة الكيماوي .. لا بيهش ولا بينش(ضحك)
- رجل 1 : العمدة الكيماوي زي البصلة .. قشرة وري قشرة وأبكي يا عين على العشرة
- رجل 2: العمدة ده واعى قوي أتعلم في مدرسة الحياة وكلية الزمن .. علشان كده بنى جامع الشهداء وجنبيه
- خط لزق كنيسة ماري جرجس .. واعى وحويط .. فاهم ومدرّك معنى الوحدة الوطنية
- رجل1: قول كلام غير ده .. ده علشان يكفر عن سيئاته .. ده طور الله في برسيمه
- رجل3: يا بابي عليكم عزبة ما ورهاش غير النميمة و التقطيع .. التقطيم وبس .. أنتو ناس تسدوا النفس
- رجل 2: الناس دي عايزة السمنة من بوق النملة .. إفرجها من عندك أنت يا كريم .. إسطها يا باسط

- رجل 4: أهوه جه الباشمهندس رزق أهوه (يدخل من جهة الكالوس الأيمن للمسرح ويقوم بتفتيشه إثنين من الغفرا مرابطين عند مدخل الطريق ويسمحو له بالمرور)
- رجل 2: الباشمهندس رزق يبقى جده عبد الهادي الدراع اليمين لـ محمد أبو سويلم أبو وصيفة
- رجل 4: أبو سويلم فينو وفين أيامه .. ده كان رجل وطني بحق وحقيقي .. كانوا رجالة ووقفوا وقفة
- رجالة .. الله يرحمك يا أبو سويلم ويثبش الطوبة اللي تحت راسك يا قادر يا كريم
- رجل 1: يباشمهندس رزق غيتنا الله ما يسيئك ولا يرقذلك جته .. الله يرحم وا لديك
- رزق : خير آيه الموضوع يا جماعة الخير .. فيه آيه ؟ (كلهم في نفس واحد المية يا باشمهندس المية)
- رزق : ما لها المية .. ما طول عمرنا بنشربها م الطلمبة الحبشية اللي دقها العمدة الكيماوي ف أ رضه
- آيه ياترى اللي جد علينا ؟
- رجل 1: الدكتور بتاع الوحدة الصحية بيقول بتجيب أعوذو با الله المرض الخبيث
- رزق: الدكتور الشناوي الله يرحمه .. ده مات وشبع موت
- رجل 1: لاء يا باشمهندس آني قصدي الدكتور السمرى
- رزق: بتقول مين ؟ مين ؟ السمرى التومرجى .. ده حلاق صحة قوام عملتوه دكتور .. ده من يوم ما عرفناه
- لابيطاهر عيل .. لا بيولد جاموسة .. هو كمان ها يفتي .. هو بيخترق بيقول آيه؟
- رجل 2: النصيبة إنه ما بيخطر فاش يا باشمهندس .. كله من مصرف كيتشنر .. الله يخرب بيته وبيت كل
- الخواجهات اللي زيه
- رجل 4: برما مستهدفة يا جماعة الخير .. برما مستهدفة
- رجل 2: وخصوصاً من الخواجهات .. دول جابولنا الأمراض المستعصية والأمراض الخبيثة
- رجل 1: المرض الخبيث .. يكونش اللاعور .. هو اللاعور
- رجل 3: اللاعور بسيطة كلها كام يوم يقوم ويشد حيله ويفتح
- رجل 2: والله العظيم ثلاثة با الله العظيم أنتوا ناس فاضية .. نازلين هتي وفتي .. ع الفاضية والمليانة

- رجل1: إلا قولي يا باشمهندس رزق أنت مع التيار السالفي أبو دقن أم الأخواني أبو بدلة وسكسوكة ولا ؟
- رزق: (مقاطعاً) أنا مع التيار الكهربائي (بسخرية) و إن شاء الله نكهربهم كلهم علشان يرجعوا لعقولهم ويعرفوا إن الله حق .. وإن الأتحد قوة والفرقة ضعف
- رجل2: (لرجل1) أنت باين عليك بردوازي عميل متعفن .. طول عمرك مطبلاتي .. منافق أراري
- رجل1: آني .. آني أرودازي آني .. آني معفن .. يلي البلهارسيا واكله وشاربة رأأت من جبتك .. آني معفن
- يلي أبوك الله يرحمه كان بيمشي متقمع من غير لباس .. طب أهوه أنت .. يا شيوعي يا علماني يا كافر يا مطبيع .. يا خدام الست
- رجل2: آني مطبيع آني .. فشر كل إلا كده .. ده آني مكرهش في الدنيا يادي إلا دول الداعشنة والخوجات وبتوع أبو حصيرة
- رزق: أستهدوا با الله يا جماعة .. ده شيطان ودخل بينا .. صلوا علي النبي .. إحنا ملاناش غير بعض
- الرجال معاً : عليه الصلاة والسلام .. طب وأخرتها يا باشمهندس آيه العمل ؟
- رزق : العمل عمل ربنا
- الرجال معاً : ونعم با الله من قبل ومن بعد
- إمراة1: جوزي يا ناس جوزي أبو عيالي تعبان قوي .. ربنا ما يرقدلكم جته غيتونا يا عالم الرجل دبل ووشه بقي أصفر زي الكركم .. وعلى صرخة واحدة من طلعت الشمس .. آه يا كلويا .. آه يا كلويا
- (كلهم في نفس واحد يا حضرة العمدة إلحقنا الله ما يسيئك .. يا عمدة .. يا جناب العمدة .. يا با الكيماوي)
- رجل1: وحية مقام سيدك العريان لأنته ظاهر يا جناب العمدة
- رجل2: عريان مين ومتغطي مين .. ده شيخ مقطوع ندره .. سيبك أنت .. شي الله يا أهل البيت

دا لوما مولانا .. كان المقام زمانه خرابة.. صلي على اللي ها يشفع فيك يوم القيامة
(يدخل العمدة للمسرح من أمام الجمهور مباشرة محاط با الغفرا من كل جانب ويبد كل
واحد منهم زجاجة مياه معدنية)

- العمدة : مالکوا هوہ جرى آیه في الدنيا .. يا عمدة يا جناب العمدة .. آیه هوہ
الواحد میعرفش یرتاح زي البني آدميين.. هوہ آني ما ورايش غيروکوا في
الناحية.. أنا عمدتکم صحيح ما قولناش حاجة.. بس برضه عمدة للکل الکفور
والعزب والکفوروالنجوع وهالما جرا .. عزبة سو ماورکوش غير اللت والعجن
والقیل والقال ووجع القلب .. وقلة الراحة .. آیه جرى آیه ؟

- رجل 1: الميَّة يا جناب حضرة العمدة الميَّة يا با الكيماوي
- العمدة : مالها بسلامتها الميَّة ؟ ما المشروع .. الترة الكبيرة يعني .. مليون عن
آخره با الميَّة

- رزق: التلوث يا عمدة مسمعتش عن التلوث .. والميَّة الملوثة ياكبير الناحية
.. البلوشن يا الكيماوي

- العمدة: تلوث آیه وميَّة متلوثة آیه .. يا باشمهندس آیه اللي بتقول عليه ده ؟
- رزق: ميَّة الصرف الصحي والزراعي والصناعي أختلطت بقدرة قادر بميَّة الشرب
يا عمدتنا

- العمدة: ما طول عمرنا بنشرب ميَّة والزرة بنرويها منين يا فالح (ينظر
لأحدهم) ماهو برضه بذات نفس الميَّة اللي بتشربوا منها .. (يوجه كلامه لرزق)
مش واخذ بالك يا باشمهندس .. هيَّة هيَّة

- غفير 1: (للباشمهندس) ما أنته لو كنت فلاح بتزرع وتقلع كنت عرفت ترد على
جناب العمدة .. ثم حضرتك

بتتکلم بصفتك آیه؟ مش لما تستوظف الأول (بتهکم) يا ماش مهندس
- رزق : الميَّة ملوثة يا عالم .. ده خطر على الصحة العامة .. الميَّة خط أحمر
- رجل 2: هيا مشكلتنا من قديم الأزل الميَّة الحلوة .. الميَّة المكررة .. الميَّة المفطرة
.. الميَّة المقطرة

- رجل 3: الواد سالم يا حضرة العمدة
- العمدة: مالوا المهيَّب على عينه ؟
- إمراة 1: جوزي يا با الكيماوي .. إنصاب واللي كان كان .. بقى زي الخرقة القديمة
يا عمدة

- مقدارش على كدا ومقام السيدة

- ومين قال الكلام ده (يتوجه بكلامه للغفرا) .. وأنتوا فينكوا .. فالحين بس.. حاضر
يا عمدة طيب يا عمدة .. كله تمام يا حضرة العمدة .. وقعدين مانتخين لا شغلة
ولا مشغلة .. زي البتاع
كده .. لايجيب خبر ولا يودي خبر
- الغفرا معاً: تمام يا جناب العمدة تمام
 - العمدة: اكل ومرعى وقلة صنعة .. بالك يا غفير منك له .. زمان قالوا لجحا بلد
أبوك كلها بهائم .. عارفين
جحا قال لهم أيه ؟
 - الغفرا معاً: قلمهم أيه يا جناب العمدة ؟ (بإستغراب)
 - العمدة : قال لهم حشوا وإرمى لهم
 - غفير 1: العزبة تمام التمام يا جناب العمدة .. بس كل ما في الأمر أنك مستهدف
يابا العمدة (بشماته)
 - العمدة: (موجه كلامه لغفير 4) تعالى يا شعلان الزفت .. قرب يا ولا .. تقب
وتغطس وتجلبى الواد السمري
من تحت طاقطيق الأرض .. أنت فاهم ياسي شعلان يا هايم.. بطل بقى الصرمحة
ورى الغازية أيها.. أسمع .. مترجعليش إلا با السمري .. ماذا وإلا
 - غفير 4: وأنا ها لقيه فين المدعوق ده الساعة آدي (لنفسه)
 - غفير 1: ما تعتلش هم ها تلاقيه في قهوة كتكوت اللي في شرق البلد .. لا واكل
تطورة .. لايشرب بوظة
 - العمدة : هو فيه بوظة أكثر من كده.. يله جاك خابط هم يا وله قبل ما زرابيني
تطلع وأخرب بيتك
 - غفير 4: حمامة يا جناب العمدة حمامة (يخرج) .. (لنفسه) .. هو العمر بعزقه
وإلا العمر بعزقه
 - امرأة2: (صارخة) جاموستي يا عمدة .. دي بياكل منها أيتام .. بيتي أتخرب يا
جناب العمدة (يبعدها الغفير1)
 - العمدة: إحنا كنا بنقول أيه يا باشمهندس؟
 - رزق: أكيد المياه الجوفية في عزبتنا مخلوطة بمية الصرف الصحي والزراعي وا
لصناعي يا جناب العمدة
 - العمدة: (ضاحكا) ده حتى طعمها حلو قوي .. متقولش مخلوطة با السكر .. ناقص
نعصر عليها لمونة ..

- وتبقى ليموناته ونعبيها في قزايز .. وده المشروع اللي كنت مخليه مفا جأة ليكوا .. من دقنه وأفتله يا عني
- رزق: دي الخطورة يا با العمدة .. هوه ده مكمّن الخطورة طعمها الحلو المسكر
 - العمدة: حد فاهم حاجة (يهزوا بروؤسهم نعم ولا في نفس الوقت) .. أنتوا بتحبوا برما قد آيه ؟ (لجميع)
 - الجميع: (بتهكم) إحنا بنموت فيها يا جناب العمدة
 - رزق: أملاح النتريد اللي في المجاري يا عمدة بتدي طعم حلو مسكر لميّه الشرب
 - العمدة: (بغضب) مجاري .. يا مجاري في برما يا مجاري.. هوه أنتو شايفيني مقصر في أيتها حاجة .. أني
 - حاطط فوق جهدي جهد علشانكوا وعلشان عيلكوا .. تاهت ولقيناها .. المشروع الجاي الميّه الحلوة المقطرة .. خلاص نعمل أكتتاب عام وكلتنا نصبح على برما
 - رجل 1: صباح الخير يا برما .. طيب وبرما ها تستفاد من كده آيه ؟ (يتحرك مبتعداً)
 - العمدة: أوقف عندك .. أوعاك تتحرك
 - غفير 1: أثبت محلّك .. هس.. أثبت ولا حركة يا بتاع الكلب
 - رجل 1: يا عمدة أنا بس اللي ها أوقف .. ما كل حاجة بتجري و تبرطع .. العمر بيجري .. الأسعار بتجري ..والدنيا
 - كلها بتجري وأنا اللي ها أوقف محلّك سر
 - العمدة : علشان تستفيد .. علشان تنتور.. أنا بعرفك مصلحتك ياسي كلب (رجل 1 من مكانه حاضر يا جناب العمدة) مفيش غيرها نظرية البيضة هية اللي ها تحل جميع مشاكلكوا .. نظرية البيضة .. البيضة يا ولا
 - غفير 1: البيضة يا عمدة .. البيضة .. يا حلاوة يولاد .. البيضة (بتعجب)
 - العمدة: أيوة يا شلجامي البيضة .. دلوقتي أنا وأنت معانا عشر بيضات
 - غفير 1: أنا وأنت عشر بيضات .. دي حسبة برما يا جناب العمدة ..آني معايا عشرة يا عني جنابك مفيش
 - العمدة: آني معايا بتوعي با لصلاة على النبي .. يبقى أنت معاك كام يا ولا ؟ قصره لو كلنا خمس بيضات ورقدنا الفرخة على الباقي .. بكده نوفر في العملة الصعبة والعجلة تدور ومنتحوجش لحد والأشيا تبقى معدن
 - رجل 1: التعالب ساعة الخطر يفلتوا .. والأسد في الغابة عارف سكته ..والنعامة دافنه راسها في الرمله

- والفقير يا عيني عليه مش قادر على بلوته.. وعجبي
- العمدة: حتماً ولابد نلاقي حل .. لازم نصبح على برما .. وكل برغوت على قد دمه .. أهوه نصبح والسلام
 - رجل 2: هلبت أزاي يا با العمدة .. نصبح على برما أزاي .. دي حاجة غريبة قوي .. أما حكاية يولاد
 - العمدة: آني ها أفهموكم يا شوية جاموس أحمر
 - امرأة2: جاموستي يا الكيماوي .. (تعدد وتضرب على رأسها) جاموستي .. جاموستي (يبعدها غفير1)
 - العمدة: كل واحد يساهم باللي يقدر عليه .. وأنا أول واحد يساهم . أهوه قدامكوا كلكم .. ها أتبرع با القيرطين
 - اللي في غرب البلد علشان نقيم عليهم المشروع الكبير .. خلي برما تشرب ميه حلوة ومقطرة
 - رجل1: ما فيش حاجة تيجي م الغرب تسر القلب يا جناب العمدة
 - العمدة: آني ها أعمل الصبح حتى ولو كان غلط .. المشروع الكبير مفيش غيره
 - رجل 3: مشروع آيه يا با الكيماوي
 - العمدة: الفطاس يا ولا .. الفطاس .. الفطاس هو الحل .. تاهت ولقيناها
 - الغفر: (كلهم في نفس واحد الله يعلي مراتبك يا جناب العمدة ربنا يكثر من مشاريعك ياكبير الناحية)
 - امرأة1: جوزي يا عالم .. أبو عيالي يا خلق هو .. خلاص نسيته .. آني سيباه بيجض يا عالم
 - العمدة: أهدي يا بت إن شاء الله ها أبعتة لمستشفى المركز ويتعالج ويخف ويرجعك صاغ سليم .. سالم غانم
 - غفير2: يله روعي شوفي جوزك متسيبهوش قاعد لوحده يله زقي عَجلك أُمال.. ومتنسيش تشربيه ينسون
 - العمدة: يله روعي شوفي جوزك (لغفير2) تروح فين وتيجي فين يا ننوس عصرك وأوانك .. أنت يا غفير
 - الغبرة أنت .. أنت فاكِر نفسك مدير أمن مراجيح مؤ لد النبي .. يله أمشي جاكى خابط منك له
 - امرأة1: ربنا يقدرك على فعل الخير يا جناب العمدة (تخرج)
 - العمدة: ناولني شوية ميه يا ولا ريقى نشف م اللت والعجن.. بلد ماورهاش غير قلت الراحة

- (مشيرا لأحد الغفراء .. ناولني يا ولا الأزازة.. بسرعة يا ابن الرفدي)
- غفير1: دي عاشر أزازة بتشربها يا حضرة العمدة
 - العمدة: بتعد عليا المية يا ابن الرفدي .. كده برضه دي آخرت تربيتي فيكوا .. يا شوية تيران
 - غفير1: العفو والسماح يا جناب العمدة .. العفو والسماح .. وحياتنا سيدنا النبي اللي أنته زرتة
 - غفير2: سماح يا عمدتنا .. يا أبو قلب كبير .. خلاص اللي سيادتك تشوفه تيران تيران بس نعيش
 - العمدة : خلاص يا ولا .. صدق على العفو .. سماح النوبة
 - غفير1: غلطة وندمان عليها .. يابا العمدة .. غلطة مش ها كررها ثاني أبدا .. تيران تيران بس نعيش
 - العمدة : أنته ها تعملهاالي موشح .. بقولك آيه ماتغنهادي طقطوقة أحسن .. يا ابن اللي بارم ديله
 - ما قولتلك سماح وخلصنه .. أنا يا حبيبي صحيح بتسامح ..إلا في عزة نفسي وشغلي(مقلداً أم كلثوم)
 - غفير 1: الله الله الله . عظمة على عظمة يا ست
 - العمدة: ست هيا حصلت ست .. شلجامي أنا عزلتك من مشيخة الغفر .. أنت دلوقتي غفير بشخة .. نفرو بس
 - غفير1: اللي تؤمر بيه يا جناب العمدة يمشي .. وإحنا علينا السمع والطاعة وسرعة التنفيذ
 - إمراة2: جاموستي يا ناس .. حبيبتي يا خلق هوه .. دي كانت عوشر .. ياترى يا حبيبتي عملة آيه دلوقتي ؟
 - رجل1: ألا قولني ياسي الباشمهندس مين أحسن مطرب دلوقتي بعد الست أم كلسون الله يرحمها ويحسن إليها ؟
 - رزق: بلا شك يا إخوانا الجدع الرقاص ده اللي بيغني بحبك يا حمار .. وبزعل أوي منك أما بقولك يا حمار
 - رجل2: يي يي يا باشمهندس بقى ده إسمه كلام ده .. قال بحبك يا حمار قال! طب ما كده الجحش ها يزعل
 - رجل3: الواد أبو كليله العايق كل لما يحمي حمارته في الترة يشغل ليها الأغنية دي با الذات .. ولما سألتة

- قلي دي تستاهل كل خير .. على رأي المثل علشان تعيش مرتاح أحكي أسرارك
لحمارك ولا تحكيهاش لجارك
- رجل1: بصحيح يا هند زة ده إسمه كلام ده .. علي زوبا أحسن مطرب في الزمان
ده .. الرقا ص
- رزق: والله يا جماعة الخير كل بيت فيكي يا بلد مشغل آغانيه .. يا عني الشعب كله
بهايم
- وأنا الوحيد اللي بافهم .. آه يا بلد آه .. تجمعنا صرخة .. ويفرقنا كرباج
- رجل2: أ يوة أيوة .. الواد أبو كليلة العايق ناظر المدرسة بيحمي حمارته في
الترعة كل يوم .. ده بيحميها ويحنتفها ويزوئها وبعدين ياخذ ليها كام صورة
سيلفي معاه على الماشي
- العمدة : آني ها أقولكم على المفيد وأمري لله .. أبو كليلة أفندي ناظر مدرستنا
المبجل زي ما أنتم عارفين
- ساكن في كفر الداعشنة .. ويواماتي على الله يطخ المشوار من المدرسة للبيت
ومن البيت للمدرسة.. قوم أيه .. يوماتي يركب حمارته في الرايحة والجاية
- الجميع : (معاً) وبعدين يا جناب العمدة
- العمدة : وفي يوم من ذات الأيام نسي .. سوها عليه .. وربط الحمار في شجرة
الكافور داخل حوش المدرسة
- رجل 2: ودي فيها حاجة دي ؟
- العمدة : أصبر يا سي كلب .. قوم طب عليه تفتيش مالي وإداري .. وثبتوا الحمار
في دفتر عهدة المدرسة
- الحمارة بقت عهدة يا جماعة .. وياستحيل أبو كليلة يركبها
- رجل 3: يا وقعة سودة يولاد .. بطلوا ده واسمعوا ده .. أما عجائب ياخواتي
- العمدة: وبدال ما يركب عليها وتخدمه .. هوه اللي اشتغل عندها خدام .. رايح جاي
شایل حمل البراسيم ..
- ولو عطشت يشربها .. ولو عايزة تستحمي يحميها .. عرفتم السبب يا جاموس أحمر
.. عشان كده لسع قمت بلغت المسؤولين وجبنا ضرا فها .. المدرسة بح خلاص
اجازة على طول
- الجميع: (ضحك) الله يحظك يا جناب العمدة

- العمدة: (يكلم الغفرا) أسمع يا حزين أنته وهو أني بلغت الحكومة و الجهات المختصة والتفتيش كمان فاهمين
- كلهم في نفس واحد ((أيوة يا جناب حضرة العمدة كلامك مطاع يا سيد الأنطاع))
- العمدة : (يخطب في الجمهور) أهلي وناسي وولاد بلدي الكرام ..أهالي عزبة برما الطيبين أما بعد
- باذن المولى عز وجل ها نبني الفناطس علشان نشرب ميّه حلوة مكررة ومقطرة والمشروع ده مش لينا وبس ده مشروع علشان الأجيال اللي بعدينا , شدوا حيلكوا شوية وربنا يسهلها همتكوا معانا يا أهل برما الكرام
- غفير 2,1 معاًََ: الفنطاس .. الفناطس .. عمدة برما ما هوش هجاص ((هتاف جماعي))
- (تدخل دُنيا من كالوس الداعشنة شمال المسرح ويقوم بتفتيشها إثنين م الغفرا مرابطين عند مدخل الطريق ويسمحولها با المرور)
- دُنيا : خلاص صدقتم على طول .. آه يا بلد .. كلمة تجبيكم وكلمة تود يكم .. تعب معايا القلم من قول
- وقلنا وقال .. بكفاية دفقا الألم والجثة فيها وبال .. سابق عليك النبي والأوليا والسيدة العدرا لا تخذنا عندك .. لتغير الأحوال
- الجميع: أمين يارب
- العمدة: (مشيرا لأحد الغفرا) مين دي ياولا اللي بتتكلم
- غفير2: دي الأ فوكاتو دُنيا يابا العمدة بنت بنت وصيفة اللي جدها يبقى محمد أ بوسويلم
- العمدة : طبعاًََ غني عن التعريف .. ونعم المفهومية.. ونعم المسئولية .. ونعم الوطنية .. هيا شرفت
- يا أهلا وسهلا با الأ نون وسيادة الأ نون والمحاكم كلتها ..أكيد أخذتي الفنص وجيتي طوالي على برما
- الجميع : و أرضنا العطشانه نرويها بدمانناaaaaaaaaaaaaaa .. وميتنا تعبانه بتاكل في كلا نا
- العمدة: أتكتم يا ولا منك لهله ليها ليها ليها .. هيا جنازة حارة وها نشبع فيها لطم .. جاكم خابط

- دنيا: أيوة يا عمدتنا أخذت الفكنص.. الأجازة بـ لغة المحامين.. أهلا بيك يا عمدة برما والكل كليلية
- العمدة: أيوة صحيح هوه فين أبو كليلية .. ما تنطق يا شلجامي .. خرست يا غفير الغبرا واللا القطة أكلت لسانك
- غفير1: ما أنا ها أقول أهوه .. يا جناب العمدة .. في الوقت ده من كل يوم أبو كليلية وحمارته بيستحموا في الترعة
- العمدة: بيستحموا ف الترعة .. هوه التلوث اللي حاصل من قليل .. (لأدنيا) أيوة أنا عمدة برما .. و دولم أهلي وناسي اللي يفرحني يفرحهم .. واللي يز علني يز عليهم .. واللي يمسههم يمسنني
- الغفرا: أي والله
- دنيا: يلي أنته نايم في العسل أصحي قوم م اللي أنته فيه / قالوا على رأي المثل دود المش منه فيه
- العمدة: دول أهلي وناسي .. هما مني .. وأنا منهم (مش كده يا رجالة صمت تام)
- صوت 1: يا حضرة العمدة .. إلحقني يا جناب العمدة .. حقي يا عالم .. بيتي أتخرب ياسي العمدة الكيماوي
- العمدة: مين ده يا ولا اللي عمال يجعر عمال على بطل .. وبيكدر ا لصفو العام (للغفير شلجامي)
- غفير 1: ده الواد صابر أبن أم صابر يا جناب العمدة
- العمدة: ماله .. ثم هوه شابط مع مين .. آيه الموضوع يا غفير الغبرة ؟
- صوت 1: (يدخل المسرح ممسكا بخناق كويس أبن ستوتة العمشة) .. يابا العمدة حقي يا كبير
- العمدة: جاك خابط في حقك مالك يواد يا صابر السلعوة أكلت حد من عيالك
- صوت 1: أكثر يا جناب العمدة .. الواد كويس مش عايز يرجع الدين اللي عليه وأناي صبرت عليه ياما
- العمدة: وآيه دليلك على كده ؟
- صوت 1: يابا العمدة البلد كلها عارفة با الكلام ده .. غيرشي ا نهاردة رحت لداره أطلبه بحقي لقيتيه عامل فيها أخرس ما بيتكلمش وأطرش ما بيسمعش .. قولولي أ روح فين وأجي منين .. غيتوني يا هووووو .. حقي يا ناس وحق عيالي .. والله الكلام ده ميرضيش ربنا

- العمدة : و أنت يا بجم أنت .. مش عارف أن السلف تلف والرد خسارة .. ولا آيه العبارة فهمني
- صوت 1: صُعب عليا .. والناس لبعضيها يا جناب العمدة .. , ثم أنت كبيرنا وملناش حد غيرك يابا الكيماوي
- العمدة: يا عني هوه دلوقتي أخرس وأطرش يا سنه سوخة .. طب وآيه العمل؟ .. يا ولا يا كويس أنت كويس؟
- شلجامي: ياداهية دقي هيا ناقصة كويس أبن ستوتة العمشة ولا هيه ناقصة من أساسه .. وده وقته ده
- العمدة: قرب يواد يا كويس (شلجامي) هاته أبن الرافدي هاته من قفاه .. (في نفس اللحظة يتصنع كويس أنه متشنج ويقع على الأرض متشنجاً ويسقط على الأرض مغشياً عليه)
- شلجامي: إلحق يا جدع حوش يا حواش .. سندوه يا جماعة (كويس يزيد في التمثيل ويزيد في التشنج والترفيس)
- العمدة: (يميل على كويس ويوشوش له في ودنه) كويس عفارم عليك يا ولا شوف أنت ها تقوم وتتطوح وتمشي خطوتين لليمين وبعد كده تتطوح وبعد كده خطوتين للشمال وبعدين تتهدد على الأرض وبكده ها يصدقوك طوالي ومفيش جنس مخلوق يقدر يا خد منك حق ولا با طل
- (كويس ينفذ كلام العمدة با الحرف الواحدو يسبقه ا لعمدة ويصفعه على وجهه فيقول من فرط الوجع "آي")
- العمدة: الحمد لله يا جماعة الخير .. طالما وقف ومشى يبقى بيسمع .. وطالما قال "آي" يبقى البعيد بيتكلم نورت ياسي كويس .. خلاص الحالة هديت يا أبن الرفدي .. خلصنا أديله حقه لحسن وملاك عليا يمين
- أخلي نهارك أسود من قرن الخروب .. هيه مش نقصاك يا هلفوت يا أبن الهلفوت .. أبقى سلم لي على أمك
- الجميع: الله أكبر .. الله اكبر .. عاش عمدة برما عاش .. عاش عمدة برما عاش
- الغفرا: آي والله
- دُنيا: ممكن سؤال يا حضرة العمدة؟
- العمدة: إذا كان على سؤال واحد مفيش مانع .. لعله خير(لنفسه)
- دُنيا: خير يا عمدة .. يا ترى المشروع الكبير ده ها يخلص في قد آيه؟
- العمدة: مشروع آيه ؟

- ُدنيا: الفنتاس يا عمدة .. لحقت نسيته
- العمدة: أبدأ يخلص زي ما يخلص .. إحنا نوضع حجر الأساس .. والتساهيل على الله .. كله برزقه
- رزق: والناس يا عمدة
- دنيا: والغلبة يا عمدة
- العمدة: هو آني مغسل وضامن الجنه .. ولا يكونش مغسل وضامن الجنه .. الله .. الله ..
- رزق: متفكرنيش إني عبيط .. وأنك يا عمدة سيد البلد .. ما خلاص زاطط با العبيط .. والجرح من ثاني أ تولد
- ُدنيا : ونويت تعمل كل خير .. ونويت تشغل الأجير .. ورجعت جبت مارش دير .. ده سلو ودابير فـ البلد
- العمدة: أنا مش بخيل ولا عمري عرفت للبخل سكة .. أنا يوم ما حبيتك يا برما كانت شرارة .. وبجمعك
- من الناس الفكة .. الحل هو الفنتاس ولا فيش غيره.. الفنتاس هو الحل
- رزق: أنا جدري شابط في هواكي يا برما في العالي .. وراهب جوه محرابك الغالي
- العمدة: وبدوب في دا بديبك .. يا برما (ينظر إلى دنيا بخبث ثم ينشغل مع الغفر)
- دنيا: (مقاطعـه) هيا برما ليها دباذيب يا عمدة .. ها تجيب د باديب لبرما في الفلانتين ياعمدتنا
- رزق: وسط الغيوم من غير أمان .. وعيون السحاب مليانة با الكلام .. والهـم بارك وغرقان في الدموع قلب البلد مـوجوع .. قلب البلد مـوجوع
- رجل1: و لسه سايبين الشـواع للحدادي و الغربان والبوم
- ُدنيا: وقت إنحسار الليل .. بيـجي الفجر .. عصفور بلدي محندق .. يزقـزق في ليلة القدر .. يغني بعزم ما فيه.. يقول مواويل .. يصحي الليل .. وا لويل والميل .. بيدعي.. لربنا قولوا آمين
- رزق: دا أنتي حتة م الجنه .. ترابك ليـنا كان حنه .. وأحط ف قلبي أحزاني .. أنيمها تقوم ثاني معنداني .. وتقر الكف .. لاكن على مين .. السكة مش مهوداني .. ولسه شاططين في الغرق

- ُدنيا: شعاع الشمس بيشقشق لطوب الأرض .. ومركب عمرنا سارحة مع التيار .. وفين ما نروح .. نلاقي التوهة والحرمان .. ما بين الظلم في زمننا وبين العدل .. أمل مفقود
- الجميع : مسير الحي يتلا قى .. مسير الحي يتلا قى
- إمراة2: وجاموستي يا ناس ؟ .. وجاموستي يا عالم ؟ .. جاموستي يا حكومة (للجميع)
- رزق: عاشقين دم الغلابة .. والقتل بقى مشروع .. راحت فين النيابة .. هو الكلام ممنوع .. سكتنا معدية وتعدي على المية .. بشوق وحنية .. أصل الحلال غية .. أصل الحلال غية
- (يظهر من بين الجموع الشيخ درويش [مولا نا] ويجلس مستمعاً)
- الجميع : درويش يا درويش .. يا مثبت الحرافيش .. درويش يا درويش يا مثبت الحرافيش
- الشيخ درويش: مداااا ا يا سيدة مدااااااااااا .. مدد يا طاهرة على طوووول المداااااااااااا .. الله حيّ الله حيّ .. حيّ حيّ الله حيّ المرشد جيّ ضرب البمبة في بيت العمدة وهو جيّ .. حيّ
- ُدنيا: برما .. أنا الغلبان .. أنا التعبان .. أنا الشقيان .. أنا المجروح .. منين ما بروح .. وبتمنى .. أسمع الضحكة .. وأحزاني تغور مني .. وهاستنى .. تحوطيني .. تدفيني ماحدش بيا ليه حاسس .. ماحدش عاد بيقدر
- رزق: ليالك علينا ملوش آخر .. ونهاره بيتبخر .. مولانا في صلاة الفجر طول عمره بيتأخر .. نايم على نفسه ويحلم وبيشخر .. سايق عليك النبي ها نروح لمين نشكي ؟
- دنيا: ف البرد مرميين .. ف الصحرا مرميين .. اللقمة مش لاقيين .. الهدمة م الباله .. والعنة شغالة .. بتمص فدمنا ورضيين .. وأنا وحدي في الشارع .. ولا هدمة ولا كارع .. ندرن عليا يا ناس .. لو صدقت النيات .. لأجيب بخور جاوي .. وأدور وأبخر برما سبع مرات (يظهر المرشد من بين الجماهير)
- المرشد: جلا جلا .. أنا اللي جاي عندكم / وقصدي كل خير / راح أشغل الغلبان / وأعالج العيان /
- ويمكن أكسي كام عريان / في برما الغلابة كثير / الشرط عندي / مبلغ صغير ربط كلام خمسة آلاف جنيه عربون للمحبة / الله يديمها علينا المحبة / علشان الخير يجيكوا أوام

- رزق: دجال وماشي .. ممرر معاشي .. بتكذب علينا .. يا ابن اللذينا .. وعامل حبيبنا وربان سفينة .. طوفانك عواصف .. يكدر حياتنا .. ويسمم قبيلة .. ونهضة خراب .. عذاب في عذاب ولما هايجيننا يا سيدي الطوفان .. ها يغسل همومنا .. وننسى الشحانة .. وننسى الآلام .. كلامك محال
- دنيا: عايزنا نسمع كلامك كمان ؟ موفق يا روعي وسلامة طريق .. و بعد الطوفان ها تولع يا روعي بنفس الحريق .. وشوف مين يغيتك .. فشر .. فاكرا عبيدك .. طريقك ندامة .. والسكة طريق
- رزق: العدل ساطع .. سطوع الحقيقة .. يلم الغلبة .. تخافه الديابة .. ونعيشها حرية .. سكة معدية .. بأمر النيابة .. ولا يحكمنا عمدة ولا يضللنا شيخ .. وجماعته فاسدة بتنهش في قوتنا وتتمنى موتنا .. وعايزنا قال .. نفخ جلودنا .. نفجر حدودنا .. وهما الأكابر
- دنيا: مهران واحشني .. واحشني يا برما وذنشواي حبيبتي ناسها حازانه/ ووكستنا سودة من دا الحصار برما أنتي شايفانا وشايفة اللي صار / وحرافيشك في حيرة و الغلبة كتار .. وحق الغلبة عند الكبار
- امرأة2: جاموستي يا عالم .. (تعدد وتخبط على رأسها بكلتا يديها) جاموستي .. جاموستي
- (وهنا يدخل غفير 4 ومعه السمري التومرجي ويجلس رزق مع دنيا يتحدثون شمال المسرح)
- غفير 4: أدخل يله حب على يد أ بوك العمدة .. هم يا دكتور سمري .. هم آمال .. أعملك همة (يتكلم الغفرا مع بعضهم البعض : دي باينها محاكمة علنية للسمري ربنا يعد يها على خير)
- السمري: خير يا جناب العمدة .. خير يا كبير الناحية
- العمدة: وها يجي منين الخير ياسي الدكتور سمري(بتهمك) أنا مش فتحتلك المستوصف وشغلتك فيه
- أنا مش لميتك وأويتك وأويتك م الشارع لما كنت جاي طفشان .. سمري أنت أول ما تشطح تنطح وف مين .. فيا أني .. إخص عليك خيبب ظني فيك .. يا ملقي يا صايع يا ضايع
- السمري: مظلوم يا عمدة .. والله مظلوم يا اخوانا .. الولية جماعة سالم جاتلي وقعدت تعايط وتنوّح
- أكشف على سالم .. أكشف على سالم .. كشفت .. وشخصت الحالة وعرفت الداء
- العمدة: يا حلاوة يا ولاد يا حلاوة يا ولاد كده مرة واحدة .. وبتقولها في وشي .. (وهو يقلده) شخصت الحالة

- جاموستي يا عالم .. جاموستي يا عمدة
- العمدة: مالك يا مبروكة .. هو اللي طالع عليكي جاموستي يا عمدة .. جاموستي يا عمدة .. هو فيه آيه؟
- هيا الدنيا طارت ..واللا الدنيا طارت .. ثم إن الله مع الصابرين
- إمراة2: جاموستي يا جناب العمدة .. جاموستي اللي خدها الغفير شلجامي من يجي شهر فات وزيادة
- العمدة: واد يا شلجامي .. آيه العبارة فهمني ؟
- غفير1: مفيش بابا الكيماوي .. أصملى عليه .. صينه وحارسه خميس بيه ابن سعادتك البكري.. شاف الجاموسة من هنا وأحطت في عنيه من هنه .. قوم آيه .. كان عايز يشارك مبروكة في الجاموسة .. قوم آيه
- خدها من قصيره .. وأمرني أوديه الزريبة اللي عندك في الدوار يا جناب العمدة .. با العربي كده أمم الجاموسة يا عمدة
- إمراة2: جاموستي يا ناس
- العمدة :أممها .. كده حنة واحدة .. عفارم عليك ياولا يا خميس طالع لجذك المعدول أبو جاعورة
- غفير1: المعزول يا جناب العمدة
- العمدة: جدنا الأكبر يا شلجامي المعدول أبو جاعورة باشا .. اللي زيك ما يوعاش عليه (لمبروكة).. خلاص فوتي علينا كمان يومين لغاية أما الجاموسة تشد حيلها .. (لشلجامي) أستبيننا يا مقطف .. أبقى أديها الجاموسة
- بس .. ركز معايا في الكلام .. الجاموسة بس لا أخرب بيتك وبيت أبوك
- غفير1: تمام يا جناب سعادة العمدة بيه .. علم وجاري التنفيذ.. لاء علم وتنفذ
- العمدة: خلاص ورينا الهمة يا سي شلجامي
- غفير1: يله همي يا بت .. يله وبلاش لكاعة .. همي يله علشان تخدي جموستك وأدعي لحاضرة للعمدة
- إمراة2: أدعولوا دعوة (للناس وهما يخرج من المسرح)
- الجميع: يعمر بيت أبووووووه (بسخرية)
- السمري: تأمرني بحاجة ثانية يا عمدة
- العمدة: خلصنا يا سمري .. يله شوف مصلحتك .. خلصت روح أتاالك يومين لغاية أما يروق الحال

- السمرى: حاضر يابا العمدة .. ومسيره الحق بيان .. يله قصره مع السلامة يا برما
أشوف وشكم بخير
(يخرج من ناحية كفر الداعشنة شمال خشبة المسرح)
- الشيخ درويش: مداااا ا يا سيدة مدااااااااااا .. مدد يا طاهرة على طوووول
المداااااااااااا .. الله حي الله حي .. حي الله حي المرشد جي ضرب البمبة
في بيت العمدة وهوه جي
- رجل 1: مولانا جه يولاد .. مولانا جه يولاااااا
- رجل 2: مولاك لوحذك .. إمبراح صلى بينا الفجر في الركعة الأولى بسورة (قل
هو الله أحد) وفي الثانية
ب طلع البدر علينا (ضحك)
- رجل 3: الله يجازي شيطانك .. سهو .. سهو بعيد عنك .. يمكن كانت واخداه الجلالة
حبتين
- الشيخ درويش: مداااا ا يا أم هاشم مدااااااااااا .. مدد يا طاهرة على طوووول
المداااااااااااا .. الله حي
- الله حي .. حي الله حي المرشد جي ضرب البمبة في بيت العمدة وهوه جي
- العمدة : هيا أشتغلت .. يا واكل أهلك وناسك .. يله بينا يارجاله .. يله بينا)
ينصرف مع باقي الغفرا)
- الشيخ درويش: الدنيا سوق البني آدم .. أنت رايح على فين يا الكيماوي؟ بتهرب
من آيه؟
- (ولو كنتم في بروج مشيدة) مداااا ا يا أم هاشم مدااااااااااا .. مدد يا طاهرة .. على
طوووول المدااااااااااا الله حي .. الله حي .. حي الله حي المرشد جي ضرب
البمبة في بيت العمدة وهوه جي
- رجل 1: مولانا تعبنا والمعاش بقت صعبة .. الأسعار مولعة نار.. ومفيش حاجة
بترخص.. نعمل آيه يا مولانا
- الشيخ درويش: لقمة في بطن جائع خير من بناء جامع .. وخير ممن قام لله راع
.. وإذا نزل الطعام في بطن جائع .. له نور في السما ساطع .. فيا بشرى لمن أطمع
جائع .. ومدااااا .. الله حي الله حي .. المرشد جي .. ضرب البمبة في عين العمدة
وهوة جي

- رجل 2: مولانا .. الناس بقت تغش بكل ضمير .. وبتكذب بكل صدق .. وبتتصب بكل أمانة .. وبتخون
- بكل أخلاص .. آيه العمل يا مولانا ؟
- الشيخ درويش: اللي ماسك على دينه الأيام دي .. با الضبط زي اللي كابش أيده على جمرة نار مشعللة
- الجميع: نار يا حبيبي نار
- الشيخ درويش: ربنا يهدينا جميعا .. ويثبتنا عند السؤال .. ويحسن الخاتمة .. ويهدي كل عاصي قادر كريم .. اللهم آمين ... آمِنُوا عليا يا كفرة .. لحسن تخشوا النار حذف
- الجميع: نار يا حبيبي نار
- رجل 1: آيه معنى الآية الكريمة يا سيدنا بسم الله الرحمن الرحيم ((وهمت به وهم بها)) فسر ها لنا يا مولانا ؟
- الشيخ درويش : فلحوص قوي بسلا متك جاكوا ا لهم والخراب المستعجل .. مش كفاية حياتنا هم وغم هيا
- نقصة هم .. قبر يلم العفش .. إن البلاغم والزناطم والبلاغم واحد وخمسين واحد وخمسين بشرطتين
- رجل 2: واحد وخمسين بشرطتين هوه بيروح فين يا مولانا ؟
- الشيخ درويش : هوه آيه اللي بيروح فين يا سي كلب؟
- رجل 1: الكافوري واحد وخمسين أبو شرطتين يا مولانا
- رجل 3: أكيد كفر الداعشة
- رجل 2: بتقول آيه يا مولانا متفسر كلامك أمال .. الله الله الله
- الشيخ درويش : يا عني آيه يا ولا منك له له .. هوه الكلام ده من عندي ولا الكلام ده من عندي .. أنتم ها تخالفوا كلام ربنا .. الشرع قال كده .. يا كافرة يا خاسرين دينكواوكلبتنا السوداء ها تقطع في مصارينكوا
- رزق: مت صلوا على النبي يا جماعة الخير اللي يقصدو مولانا إن الربا .. عَم وأن الزنا .. طَم وأن
- البلا .. غَم .. آه .. آه (من مكانه)
- الشيخ درويش : أهو كده العلم نور يا جهلة .. سامعين الكلام المفيد اللي يحبل ويجيب عيال .. مش هلفطة والسلام
- رجل 1: مولانا هلبت بقى ليه إحنا بنحلل البول ونحرم الخمرة ؟

- مقدرش على كذا ومقام السيدة (مسرحية)

- مقدرش على كذا ومقام السيدة (مسرحية)

- سامی محمد ابراہیم فرغلی

- الطاهرة الشريفة الكريمة المشيرة العليمة ستنا السيدة زينب
- الشيخ درويش : رئيسة الديوان .. أم العواجز .. وأم الصابرين .. جالين ليكي ياطاهرة (يخرج)
 - رزق: في دنيتنا شئ غامض / ماكان ليه وجود / بيتنفس رصاص وبارد / طرح شيطاني / وولد قرود
 - / عايشين على قوتنا / وبدلوا حدودنا / خربوا بيوتنا .. زرع شيطاني
 - دنيا : دايم بييدر خيانة / ويخفق المحتاج / لون اللمون موات/ أصفر كما الكركم / سكتنا مش واضحة متلخبطة خالص / والحسبة محسوبة / والعركة منصوبة / وميعادها في المولد / أمتى يجي المولد
 - المرشد: يا أهل برما الكرام أنا جيت العزبة دي مخصوص علشان أوظف الغلابة والعوظلية وأديله ماهية والحاضر يعلن الغايب واللي عايز يستوظف يجيني ومعاه خمسة آلاف جنيه جنيه ينطح جنيه
 - رزق: ناس يسموه .. شر
 - دنيا: وناس يسموه .. قر
 - رزق: وناس يسموها .. حرب
 - دنيا: وناس يسموها .. كرب
 - رزق: الزرع شاب في الغيطان / قبل الأوان بزمان / وضاع بصيص الأمل / وأتسمم الإنسان
 - دنيا: وكان حبيبي الجدع / شايلى على أيده / شايلى جوة عينيه / والمجدعه سيظه
 - رزق: ساوموا يا عيني الجدع .. با الرعب والتهديد .. لكنّه احتوى شعبه .. كان طبعه صلب عنيد
 - ورفض وعود الشر .. إكمنه مصري أصيل/ بس اللي يقدر يعمله .. الشجب والتنديد
 - دنيا: والشر لما بيوعد .. العقول بتوه .. وكان حصاره لنا .. با التوت والنبوت وأستسلم الخائنين .. لكن/
 - رزق: رغم المجاعة والسموم .. فرق ولاد البلد ما بين الحق و الباطل .. واتلم شمل الأمة وحطموا الأغلال / وضربوهم با الرصاص / ودفعوا ضريبة الدم / حق الشهيد في القصاص
 - دنيا: وعرفنا معنى التحدي / وازاي نعيش في أمان / يا مصر يا أغلى ما عندي / يا جنة الإنسان

- رزق: جالنا والله زمان / زعيم واسمه جمال / جلده بلون القمح / قلبه بيشغي فرح / زنده شايل أحمال / والخير لوادي النيل / أصل اللي خانوا بلدهم / دول وسطنا عايشين / والأسم أخواتنا / متحكمين في القوت دا أصلهم تجار / وغلوا في الأسعار / يتمنوا ليना الموت / حاكم يَمَكُ فاجر
- دنيا: بركان عظيم وأنفجر / في مصر أم الهرم / وصرخنا في وشهم / الهم ده همهم / يا شعب دوس ع الألم وخلي القلم يكتب / سطور مدوية / والأسم حرية / وتفرح الأمة / محلاها دي لمة
- رزق: وف ليلة من ذات الليالي / هجم الجراد ع الغيطان / حطم جميع السواقي / وقولنا ده زلزال
- دنيا: الشعب قام من نكسته / زائيره أقوى م الرصاص / أصل العدو هجاص / هيا الشعوب دايم كده
- صوتها من صوت ربنا / ولا همهم هم ولا همهم دم / قام الشعب واتحرروثار / قام ومزع عهد الاستعمار / وجاب السلام بأيديه / سلام يا عيني عليه ؟!
- المرشد : يا أهل برما الكرام أنا جيت العزبة دي مخصوص علشان أوظف الغلبة والعوظلية واللي محتاج
- ماهية والحاضر يعلن الغايب واللي عايز يستوظف يجيني ومعاه خمسة آلاف جنيه جنيه ينطح جنيه
- (يخرجوا دنيا ورزق من يمين المسرح بينما الشيخ درويش والمرشدمن شمال المسرح , المسرح خالي ثم يدخل العمدة من الكالوس أعلى منتصف المسرح محاط با الغفر من كل جانب)
- العمدة : آيه العمل يولاد .. نافوخي ها يا طرشق يا عالم .. آيه اللي بيحصلنا ده .. مت قولولي .. حد يفهمني .. حد ينورني .. ساكتين ليه ؟ .. مبلمين كده ليه ؟
- غفير 1: بعد قولك يا جناب حضرة العمدة . . يا ستحيل حد ينطق ولو بكلمة .. حضرتك تأمر وإحنا
- علينا السمع و الطاعة والتنفيد
- العمدة: الله ينور عليك يا شلجامي طمرت فيك التربية ياولا
- باقي الغفرا: كلنا تحت أمرك يا جناب العمدة .. بس جنابك مستهدف يا كبير
- غفير 1: والله يا عمدة فيه موضوع خطير لازم جنابك تعرفه
- العمدة: خير يا واكل ناسك
- غفير 1: مولانا ومعاه المرشد عاملين ربطية اليومين دول وبيقلبوا علينا الأهالي والموضوع خطير جداً

- العمدة: ولا خطير ولا حاجة .. أن لأكم حبيبي سلمولي عليه .. بألكوا آيه .. خليم يتسلوا
- غفير 1: دي بمبة ويمكن تنفجر فينا يا عمدة .. إحنا خايفين عليك م الأطاحة
- العمدة : هيا حصلت أطاحة .. يا ربي أنا ها لقيها منين ولا منين (لنفسه) .. يا سنه سوخة .. يا وقاعة مطينة بطين.. الناس خلاص صحصحت لينا معدش عندها خشه .. القوالب نامت واللي نصاص قامت عجبت لك يا زمن . هيا المصايب كده أما تهل تهل مرة واحدة (يدخل السمرى متجها ناحية العمدة مباشرة)
- العمدة: خير ياسى سمرى .. لحقت وحشتك .. أنطق ..آيه اللي جابك .. خير يا سبع البرمبة
- السمرى: يا جناب العمدة أكيد ها تحتاج ناس للمشروع الجديد مش كده يا عمدة .. صنيعية .. اسطوات .. عمال .. ألخ
- العمدة: مشروع آيه يا سمرى؟
- السمرى: الفنتاس يا عمدة
- العمدة: وأنت بقى بتفهم فى الفناطيس.. يا دكتور سمرى يا حلاق البهايم.. يا حرامى الحمير
- السمرى: والله يا عمدة الحكاية بسيطة ومش عايزة غير تفتيح مخ..ومشي حالك حالك يمشي.. مش أكثر
- غفير 1: السمرى يا جناب العمدة كان شغال فى العراق مسبك ومسلك
- العمدة: آيه آيه .. مسبك آيه ومسلك آيه يا واكل ناسك .. جراك آيه يا شلجامى .. الله الله
- السمرى: على فكره يا عمدة شلجامى بيتكلم صح .. المسبك يا غنى سباك والمسلك كهربائي
- العمدة: خلاص يا فصيح عسرك وأوانك .. المهم آيه العمل دلوقت ؟
- السمرى: إحتفال كبير يليق بمقام جنابك .. وكل ده فى مولد سيدي العريان وأهو يناير قرب .. وبا المرة جنابك تبني حجر أساس مشروع الفنتاس .. وبكده يبقى ضربنا عصفورين بحجر واحد .. ودمتم
- العمدة: والله براوة يا سمرى .. ونفرح والعزبة تفرح ونعيش فى تبات ونبات .. وتبقى ليلة ولا ألف ليلة وليلة
- وغنى ورقص وطبل وزمر.. ويتلهوا عننا شوية وتبقى .. مَوّ لد
- كويس: أنا عندي فكرة أنأح يا جناب العمدة

- العمدة: آيه آيه آيه .. مين ده اللي بيتكلم كويس ابن ستوتة العمشة .. بتاع الحركات .. أنت كويس يا سي كويس
- كويس: محسبوك يا جناب العمدة
- العمدة: خير آيه اللي عندك .. مت قول يا ابن الرفدي .. إحنا معندناش وقت للهافطة والحركات إيها
- كويس: إحنا نجيب الشيخ درويش ونفهمه أنه شاف حلم وأن مقام أم هاشم هوو مقام سيدي العريان با التمام والكمال وأن الرؤيا الشريفة اللي شافها صحيحة أسوة بمقام - الطاهرة في سوريا والعراق وفي المحروسة كمان .. وبلاد كتير ياما وبكده يبقى ضربنا العصافير كلتها بحجر واحد ودمتم
- العمدة: الله الله عليك يا مبدع يا عبقرى عسرك وأوانك .. راسك أبوسها(يقبله).. أبقى أغسلها يا ولا)
- السمرى: الله يا عمدة أنما فكرة بمليون جنيه .. كده تمام و تبقى برما أرض العروبة والنضال وا لسلام
- العمدة: مخرجتش من كوعك يا سمرى الكلب .. يا بتاع جاجلا وحلق حوش .. حوش في عبي حوش
- السمرى: كلنا محاسبيك وتحت أمرك يا جناب العمدة
- العمدة: واد يا شلجامي هم بسرعة وجبلي الشيخ درويش من تحت طقاطيق الأرض .. في السر يا ولا
- في طي الكتمان أنت فاهم يا بغل .. وخرج عليه يجيش سيرة لأي مخلوق
- غفير1: حاضر يا جناب العمدة دي ها تبقى لمة وهليلة ودبا يح ياماو عزائم ومنشدين ومداحين .. الله والله تاهت ولقيناها وبالمرة يا عمدة تخطب في الناس وتوعيههم..وتعرفهم الصح م الغلط .. وتقلهم أن الله مع الصابرين
- غفير4: المهم الناس تعرف وتتأكد أن مقام أم هاشم موجود في برما وهمه عايشين حواليه
- العمدة: الله الله عليك يا كويس غزلتك سارحة إ نهارده يا ولا .. في المولدقيموا الأفراح وأعزموا الجماعة
- والحبائب وحبائب الحبائب والقرايب والنسايب ومتنسوش العشيرة إياها و جيرانا أبقوا أدعوهم برضه
- غفير2: يا سنه سوخة .. يا واقعة مطينة بطين .. الداعشنة .. بس بس
- العمدة: بتبسبس ليه يا حزين .. مش إحنا ماضيين معاهم اتفاقية سلام .. ومطبعين معاهم.. متصالحين يا بن الرفدي

- وليهـم حق علنيا .. ثم الجار أولى با الشُّفْعة
- السـمري: بس يا جناب العمدة دول جيرة سو .. عمرهم ما حبولنا الخير .. وهمه اللي وري كل المشاكل اللي إحنا ليصين فيها .. دول طول عمرهم بيزرعوا المشاكل ويدقوا الأسافين في طريقنا يا عمدة
 - وماورهمش غير الخراب المستعجل .. جيرة سو
 - العمدة : المشاكل (لنفسه) .. المشاكل .. المشاكل .. مفيش ورايا غيرها .. ناحلة و بري
 - غفير 2: ألا قولـي يا جناب العمدة .. هوـه طلع مين فيهم ؟
 - العمدة: هوـه مين يا ولا ؟
 - غفير 2: رأفت الهجام يا عمدتنا
 - العمدة: يا جاهل إسمه رأفت الهجان .. أنا ها أقولك وأنورك وأنورك .. صلوا على اللي ها يشفع فيكم يوم القيامة
 - غفير 2: (الجميع صلى الله عليه وسلم عليه الصلاة والسلام) .. وبعدين يا با العمدة
 - العمدة: هما أما مسكوه .. ورحلوه للكرakon .. آفشوا معاه كام بزابـرط براني .. واحد بأسم ليفي كوهين
 - غفير 2: والتاني
 - العمدة: بأسم جون براد
 - غفير 2: والتالت يا عمدة
 - العمدة: مش عارف آيه جا ك آيه بيتون
 - غفير 2: قصره يا عمدة هوـه مين فيهم بقى جون براد ولا ليفي كوهين ولا مش عارف آيه جا ك
 - العمدة: هوـه في الأصل كان أسمه ياكوف بنيامين حنانيا وكانوا يدلعهـه بأسم يا كو وجده يعقوب كان ساكن
 - نواحينـا زمان ولما ربنا أفـتكره عمللوه مقام والدا عشنة بتزوره وتعمله حضرة ونأبه أبو حصيرة
 - غفير 2: عايزيين المفيد يا جناب العمدة
 - غفير 1: آمال دافيد شارل سمحون يبقـي مين فيهم؟
 - العمدة: (لشلجامي) هوـه هوـه رأفت الهجان يا سي شلجامي وأنا تايه عنه .. البطل اللي شرفنا وشرف مصر

على فكرة اخته متجوزة رتبة عالية قوي وليها شأن كبير في الدولة ده حتى أسمها شريفة

- غفير1: ده شمشون مصر
- العمدة : ومش لاقى غير الأسم ده ..شمشون ده بطل عند البعاده .. قول سمحون يا بقف
- غفير 2: سمحون سمحون يا حلاوة يولاد .. سامحني يا عمدة .. يا عني ها نعزمهم برضه
- العمدة: والله آني عارف كل حاجة و مش نايم على وداني .. ولا وآ كل تا طورة .. حق الجار واجب ثم يا سمري .. أنت ناسي .. أن إحنا وهما ولاد عم .. وزمام أرضهم لازق في زمام أرضنا
- غفير1: زمام أرضهم .. هما كان ليهم أرض من أساسه ولا حتى ناموسة في الناحية دي كلها
- العمدة: اللي باع باع واللي أشتري أشتري .. بقوا أصحاب ملك .. فضوها سيرة بقى جاكوا خابط
- السمري : ربنا يسترها ويعد يها على خير (يخرج) (جميعاً ربنا يخلي المستخبي لطيف)
- غفير1: ويجيب العواقب سليمة
- العمدة : يله يا غفير أنت وهوه ..أعمللكوا همه حبتين .. عزيزنه إحتفال تتحاكى بيه الأجيال .. إحتفال ما حصلش
- ولا ها يحصل ثاني أ بدا .. مولد يا ولاد مولد .. أعمللكوا همه يله وبلاش لكاعة .(يغادر والمسرح)
- (أظلام) (يدخل رزق و دُنيا معاً)
- رزق: أنا من طينك يا بلدي / ماسك طورية وفاس / أرضك دي روح الروح / لازمة مع الأنفاس فخدني شمعة تنور سكة المحتاس / وأبعد عن حواركي/ وسواس عنيد خناس/ وأفاديكي ساعة الحرب/ وأنا الفرحة في يوم عيدك / وأشيل من هواكي الكرب / وأ نور لك ليل الأيام
- دنيا: ما حدش شاف ف يوم حرية / ما حدش عاش عصر الوطنية / ما حدش شاف جدع خيال/ يشيل الكرب ويمسح دمعة الإنسان / آه يا برما ..آآآآه / ده حُبك شئ فاق الخيال

- رزق: إحكي يا برما / إ تحملي وأحكي / دم الشهيد ع التراب من ثاني راجع ببيكي / أنا والله با أستغرب / ع الشعب اللي مش لاقى حد يحنوا عليه / ولا يطبطب على إ يده ويداديه / و لجل لقمة العيش / عشقنا وقفة الطوابير والزحمة / ومش طالبين من -العمدة غير الرحمة /و في حضن البحر والترحال أنا بحار سواد الكحل في عنيكى /وأللم من شطوط الحب كام موال / و أغزلك و داد الحب وآتية في البحور بيكي .. ومش طالبين من العمدة غير الرحمة .. يارب الستر من عندك .. يا وش الخيرو الرحمة(للسما)
- دنيا: على شطك بنيت قصري /وفرشته بكل أحلامي ... عمولة / زويئ مصري / زويئ عصري و قلبي يا سدرة العشاق / ليكي حصري / و متمزع/ ده يرضيكي / ده ير ضيكي يشيب الود في قلوبنا / ويعنس مع الأيام / وأنا اللي عايش وطول عمري / ما حسيت بأمان
- رزق: وتيجي موجة /وراها موجة أوشوشلك / كلام من صمت أيامي / ليل ونهار / يا دوب همسة صبر أيوب على بلواه وأنا عمري ما أكون أيوب / ولا أنتي في الغرام ناعسة في ليلك والقلوب ناعسة فتحت لأملي شباكي /وتشتي الدنيا دموع باكي/ وأنتي بعيدة يا ملاكي
- دنيا: وأتذكر ... حكاوينا سفينه سارحه هنا وهناك / ودفة حبنا راسمة على المية ملامح حورية م الجنه بتتمشى مع حبيبها على الكورنيش /ولما عيونهم أتقبلت / من المطرة قفلت الشيش/ وخفت عليكى يا بلدي م العتمة / وم الكوابيس / و أزمة العيش/ و الحرافيش
- رزق: لسه فاكرة /أنا لسه فاكرا / م البعاد قلبي اللي ناكر /كنتي حاضرة / وكنت حاضر /والتلاقي كان سرا ب / بلمحك في السكة جاية / والحضور هو اللي غاب
- دنيا: الحياة آخرتها حبة أسئلة لا ليها شط ولا حدود ولا أمكنة / بحر الغرام قررت أغرق قلبي فيه
- رزق: لا تبعديه
- دنيا: لا تسعديه
- رزق: وليه أعيش/ ما بتتعبيش / راح أكون شهيد ما يتنسيش / يا ملهمة يا أم الهرم والأوليا

- دنيا ورزق معاً: صوتنا أبرة في حزن برما بيتوئد / هدمة قديمة ممزعة صورتها أ نسانة / صلبة لآكن في الحقيقة مهكعة / صحتها برضه مخسعة / وبيتحي من قلب الخريطة جوهرتين جمال/ صنافير تيران / أملنا مال/ ده حلمنا لبكره اللي جاب معاه نور الأمل / ساكن عيونا سراب / وحلمنا مهجور / هتلاقي بشر أموات / هتلاقي كلام مسحور ومن ساعة ما صبنا السكات / إحنا عيشين أموات / إحنا عيشين أموات
- رزق: الصمت مزيكة الوطن / نعزق في بحر الحياه نزرع أمل مكسور / من خوفي م الأيام بنيت حوالكي سور / وبرضه طلوكي العدا / والغلب من ثاني أبتدا .. والغلب من ثاني أبتدا
- دلوقتي آيه العمل؟ .. قولوا لنا آيه العمل ؟
- دنيا: يا خسارة يا ميت مليون خسارة / للي كان واللي مال/ من ضعفنا / ضاعت آمال وأتخصصت مصر العظيمة وشعبها مش لآقي حقه اللي أتنهب .. قولولي مين اللي سرق؟ قولولي مين اللي نهب؟ ومين اللي باع و اللي قبض / واللي طبع واللي مال يا ميت خسارة ع الشهامة والنضال
- رزق: الإصلاح بقى شئ محال .. الإصلاح بقى شئ محال والأمل شئ م الخيال .. وشعبنا دفع التمن .. وكرمتنا أتبعترت من اللي يسوى واللي ما يسواش دم العرب هرب / سبحة وأتفرطت يابا / والكل فين يوجعك / فين الكرامة والنضال/ فين الشهامة والرجال / فين العروبة والآمال
- معاً: ضاعت ثورتك يا جمال / ضاعت ثورتك يا جمال / ضاعت ثورتك يا جمال (إظلام)

المشهد الثانى

المنظر

(ساحة مقام سيدي العريان مجموعة دراويش شلجامي والمُرشد والشيخ درويش رجال ونساء وأطفال متجمعين في الحضرة)

- الدراويش معاً : لحم بصارة عدس .. عدس .. هات الحلة الفانية .. أعقبها بالثانية .. عيش وفتة وبامية

لحم بصارة عدس .. عدس .. هات الحلة الفانية .. أعقبها با الثانية ..
عش وفتة وبامية

(الأغنية مصاحبة للمشهد تعلو وتخفض باختلاف واقع الأحداث)

- درويش 3: (ماسك صفارة ويشاور على إتجاه المقام مثل عسكري المرور) توت
توت اللهم صلي على حضرة النبي مدد يا عريان مدد
الناس للذهاب إلى المقام وإعطاءه النذور وأخذ البركة

- صوت 1: أسعى طووووووووف .. أسعى أسعى

- صوت 2: مدد یا عریان مدااااااااااااااااا
-

- [illegible]

(المَوَّ لد شغال والحضرة والذكر)

- **الْمُنَشَّد : سيدنا الحبيب**

سيدنا الحبيب لما وافاني وافاني جه وزارني في المنام أنا قتلته يا حِبِّ واصل
واصلني/شدني مِسْك الختام والله دا أنا كل ما هامت عيوني عيوني رأيت
أنا بدر التمام بالمصطفى مغرم صباة صباة وما

على قلبي الملام.. والله
تاج المعارف يا نبينا
عن عيوني لأك زمـان
في رحابك أهُتداديـنا
دا أنا قلبي ليك حن ..ومال والله

- [illegible]

- سامی محمد ابراہیم فرغلی

- الكرام .. لو القرد مات القرداتي هيشغل آيه؟
- رجل 2: ربنا ما يحرمناش منك يا سي يَمَك أنت صديق كل حيران وأنيس كل مضايئ
 - المرشد: أنا شايف صوبعين ثلاثه بيلعبو ا في برما هقطعهم بإذن الله .. إحنا ناس بنعرف ربنا والدليل على كده الدرئكنج لما بيكون دريفينج مش بيروح السجن ؟ إحنا ناس نقدر المسئولية وتعرف ربها كويس .. ثم أنا عارف أن أهل برما .. دول ناس كسيية
 - غفير 1: فيه سؤال محيرني يا با المرشد
 - المرشد: أسأل يا شلجامي .. هوه السؤال حرم
 - غفير 1: وأنت بتعمل كل ده ليه ؟
 - المرشد: لوجه الله والله لوجه الله .. ثم .. برما غير قابلة للإنضغاط .. وإحنا في منحدر الصعود ده شئ أكيد إني أحيي المرأة بجميع أنواعها .. أنا بشوف حاجات غيري مش ممكن يشوفها أبداً .. لأني عارف مين بيقول آيه وفين وعشان آيه !
 - رجل 1: المرشد بيه صلوا عليه .. المرشد بيه صلوا عليه (هتاف جماعي)
 - المرشد: خلاص يا جماعة الخير .. دونت ميكس
 - غفير 1: الحساب يا سي مرشد .. وعلى رأي المثل أن كنتم أخوات أتחסبم
 - المرشد: خد حقك أهوه وبزيادة يا سي شلجامي .. وأنا بقى يا فكيك (يخرج مهرولاً)
 - غفير 1: كده تمام .. الحساب مضبوط .. وسلامات يا عمدة وسلامات يا برما
 - رجل 1: يا حلاوة يولاد .. الزرزور شيخ على عمت مولانا .. مبروك يامولانا
 - رجل 2: مكتوبالك يا شيخ درويش .. ها تتكسي يا عني ها تتكسي .. الشيخ درويش دا مبخت
 - رزق: مفيش فايدة في بلد ناسها بتتفأل وتتشأم بشخة عصفورة .. عليه العوض ومنه العوض
 - رجل 1 : ألا قولني يا سيدنا انت ليه دفنت كلب العمدة في المقابر ليه ليه ؟
 - الشيخ درويش : أنا عبد المأمور .. أصله كان كاتبها في الوصية
 - رجل 2: كاتبها في الوصية .. هيا الكلاب بتقرا وتكتب ولا علشانه كلب العمدة يا سيدنا !

- عندنا شيء عزيز .. والفساد فاق الركب
- رزق: وأناو قلبي واقفين ومستنين النهار.. من ليالك الخرمس .. يمكن يشقشق
بصبح جديد
 - دنيا: في المشمش .. في المشمش
 - رزق: غاب الحق في أراميدان .. وولادك اللي راحوا في الميدان .. صبحوا في
النسيان .. أمتى القصاص لسه ما أنش الأوان (دنيا ورزق معاً: صحيح اللي
اختشوا ماتوا)
 - رزق: اللي اختشوا ماتوا / وأنته ليه ما بتختشيش ظنك إن الشعب آيه.. مافيش لا
فسادك يتنسي ذي الأفيش حتى كرهك ف قلوبنا مينتهيش قلبك ابيض يلي غليت
ع الحوان حتى الدشيش الحمار ف الوش معناه الخجل واللي عنده دم .. أما
الحمار عمره ما يحس بسلامة أو ندم والأكيد مات الضمير والخصخصة ده شيء
لذيذ / حتى الكويز كـويزة للي عامل نفسه قال عزيز/ وكمان عيالك طاحوا ف
البلاد مصوا دم الدراویش
 - دنيا: والست هانم روعي يا روعي / ع الست هانم/ ست بس.. ما بتختشيش
 - رزق: وروح أم الست هانم قال بيحلم بالرياسة ونفشله ريش وي كوهين البكري
لأصفر راح يضارب ف الدشيش غرق البورصة بسلامته والمواطن / تملي يحلم
بقشف عيش
 - دنيا ورزق معاً: قوم يا مصري ع الحمير المتطعين / عملين أكابر دول مصوا
دم الحرافيش
- قوم يا مصري حطم الأصنام وعيش
دول عصابة دول سوا بق وكل واحد / طالع له فيش !

(إظلام .. يخرجون معاً)

المشهد الثالث

المنظر

(ساحة سيدي العريان العمدة والسمرى والشيخ درويش و شلجامي ومجموعة الغفرا في ساعة متأخرة من الليل والظلام شديد)

- غفير 1 : مولانا آيه رأيك في جناب العمدة ويمك المرشد ؟
- الشيخ درويش : اللتين زفت يا سي شلجامي (يتنحى العمدة ويسعل ينتبه الشيخ درويش من هول المفاجئة ويكمل كلامه) والتلات ملل .. والأربع تعب .. وخميس وجمعة .. دول ولاد جناب العمدة والسبت ما بصدق يعدي علشان أمني عنيا منهم.. والله العظيم حبايب قلبي هما الجوز ..(يقرف) جناب العمدة والمرشد بيه
- العمدة : يا أهلا با العالم الجليل .. قطب الأقطاب والله ليك واحشة يا شيخ زارع .. قصدي يا مولانا القطب
- السمرى: ماشاء الله يا جناب العمدة .. الشيخ درويش مش مخلي على جهده جهد .. ويوم عن يوم بيثبت للعالم كله إن الدين أفيون الشعوب وحشيشه كمان إذا لزم الأمر .. مش ناقص غير البنجو.. وده الزرعة الجاية
- العمدة: وصندوق النذور والفتة والحضرة .. مولانا يا أهلا وسهلا .. أنت جيت لوحذك ولا الهوى اللي رماك
- الشيخ درويش: منور يا جناب العمدة .. خير إن شاء الله .. الغفير شلجامي أكد عليا وقللي العمدة رايد يقابلك في السر .. خير يا عمدة وغوشتني .. خير اللهم أجعله خير (بتوجس)
- السمرى : منور يا شيخ درويش(يدفعه ناحية العمدة) والله زمان يارا جل والله أنت بركة برما ونورتها وشيخنا الجليل ومولانا وبركة برما
- الشيخ درويش: هبي هبي .. أخجلتم تواضعنا يا دكتور سمرى .. هذا من فضل الله
- السمرى: مولانا أسمع الكلام اللي ها يقولك عليه أبا العمدة وتنفعه با الحرف الواحد .. با الحرف الواحد(مؤكدآ)
- العمدة: مولانا أنت شفت في المنام أن مقام أم هاشم هو هو مقام سيدي العريان ودي معجزة من عند الله وتذيع الكلام ده في برما من شرقيها لغربيها أنت فاهم .. أنت تعمل اللي بقولك عليه وسيب الباقي علينا

- الشيخ درويش: أحلامك أوامر يا جناب العمدة .. اللي تأمر بيه سيادتك .. من نحيتي أطمئن .. حط في بطنك
- شادر بطيخ صيفي .. أحلام سيادتك أوامر
- العمدة : عفارم عليك يا مولانا .. وده كله علشان الصالح العام .. ولا أنت شايف آيه يامولانا؟
- الشيخ درويش: آني .. آني أشوف أستغفر الله العظيم.. القول قولك والشورة شورتك ..بإذنك يا جناب العمدة
- العمدة: عايزك تفتن الناس تحرضهم .. مايبقاش في برما غير حلم الشيخ درويش ومقام السيدة .. يله ورينا همتك وبكده أتأكد من إخلاصك يا مولانا .. أنت سامع .. دخول الحمام مش زي خروجوه
- الشيخ درويش: " أعوذو با الله من شر الخبث والخبائث" (لنفسه) أنا في كده ما أتوصاش يا با العمدة .. فُتكم بعافية دي لعبتي يا باشوات برما (يخرج مهرولاً)
- السمرى: تمام يا جناب العمدة ..البيض كله في قفة واحدة .. بس في مشكلة عو يصة يا جناب العمدة
- العمدة: خير يا جلاب الخير فيه آيه تاني .. إشجيني ما تنطق يا سمرى أُمال
- السمرى: الجحش يا عمدة
- العمدة: يي يي أنت أنهبلت يا ولا .. الجحش يا عمدة .. سمرى أنت مستعطي حاجة يا ولا ..دي آخرتها برضه
- إخص عليك يا بتاع الكلب .. تسرق وتتهب .. وآني أشجب .. تبلطج وتاخذ فردة .. وآني أ ندد تفرض أتاوة ع الخلق.. وآني أستتكر .. وأخرتها تقولي أبصر ومدرك
- السمرى: أبدا يا جناب حضرة العمدة .. الجحش بتاع الفول والطعمية ده أشهر من نار على العلم
- العمدة: أيوة أيوة أفنكرته .. الجحش يا بغل الوسية .. دكان الجحش اللي في السيدة .. تاهت ولقيناها
- السمرى: قول يا كبير قول .. ياحلال العقد
- العمدة: أصل الجحش مكنش في الحلم من أصله .. مولانا ما شفهوش بتاتا ..ثم هوه فيه أكل وشرب في الأحلام
- السمرى: الله على الألهم .. ملهم من يومك
- جميع الغفرا: الله أكبر ..الله اكبر عاش عمدة برما عاش

- سامی محمد ابراہیم فرغلی

- مقدرش على كدا ومقام السيدة (مسرحية)

- الشيخ درويش: وإن شاء الله الحاضرة الجاية في يناير لستنا وتاج راسنا أم هاشم رضي الله وأرضاهما ومداداد ا يا أم هاشم مداداداد .. مدد يا طاهرة على طوووول المداداداداد الله حيّ .. الله حيّ .. حيّ الله حيّ المرشد جيّ ضرب البمبة .. في بيت العمدة وهوه جيّ
- رزق: ساعات التوهة بتخدني / لظهر الموج وأ بحر / تلاقيني من الهامين والاقى الفجر بيشقشق عند ناس تانيين
- دنيا: ياراس مالي وعنواني /يا كل ما ليا يا صبية / يابرما ضياكي في عنيا/ خلاص أبتليتني با الخاينين
- دنيا ورزق : لاحول ولا قوة إلا با الله العلي العظيم .. لله الأمر من قبل ومن بعد

(إظلام)

المشهد الرابع

المنظر

الشارع الرئيسي لعزبة (برما) يظهر جليا للمتفرج خلفية لبعض البيوت الريفية , ويا فطة إرشادية مكتوب عليها إلى الوحدة الصحية (مغلقة با الجنازير) وحجر أساس لمدرسة أبو جاعور النموذجية للتعليم الأساسي ومقام واضح لسيدي العريان ولي من أولياء الله الصالحين وبعض الدكاكين وخاصة دكان حنا الساعاتي أهم ما يميزه تلك الساعة الكبيرة أمام الدكان متوقفة عند الساعة 05 و2 ظهراً موجودة في واجهة المحل منذ زمن طويل وفي الاتجاه المعاكس يا فطة مكتوب عليها بسهم واضح (كفر الداعشنة) ويوجد في أول الطريق تمثال كبير لخيال مآته رأسه عبارة عن جمجمة وعظمتان متقاطعتان, طريق ترابي وبعض الدكاك وخلافه من مظاهر ريفنا ا لمصري جموع من الفلاحين رجال ونساء وأطفال وشيوخ ودراويش والمنشد من مريدي الموا لد. الميدان أصبح حارة عيد وجميع الباعة السريحة من حلاوة المولد إلى حمص الشام للعرق سوس لجميع أنواع المشروبات المصرية المعروفة موجودين ومراجيح وساقية قلابة وخلافه وحلقات للذكور وحلقات للمديح.. وألعاب نارية وخلافه ومنشدين.. مولد) . با النسبة لعم حنا زي كل يوم راشش أمام الدكان وجالس على كرسيه أمام باب الدكان ينظر إلى الساعة المتوقفة وظهره للجمهور .

- حنا : (يقوم بفتح الدكان) يا فتاح يا عليم يا رزاق يا كريم.. إرحم عبيدك من عبيدك .. رحمتك يارب (ينظر إلى الساعة باهتمام) .. أفرجها من عندك يا كريم (يرش الماء أمام الدكان ثم يجلس على الكرسي وظهره للجمهور)
- المنادي: أهل برما الكرام .. اليوم يوم عيدكم .. اليوم يوم عيدكم الأكبر .. هللو افرحوا غنوا .. أهل برما الكرام اليوم يوم عيدكم.. اليوم يوم الإنجازات.. إنهاردة إن شاء الله ها تنتقل برما نقلة جديدة.. هللو افرحوا غنوا

(أغنية الفنتاس)

الفنتاس الفنتاس
عمدة برما مهوش هجاص
حامي أرضه صاين عرضه
علشان دوغري مهوش بصباص
الفنتاس الفنتاس
عمدة برما مهوش هجاص
غالي علينا وضي عنينا
وأومره ع العين والراس
الفنتاس الفنتاس
عمدة برما مهوش هجاص
يابلدنا والخير ها يجيلك
أشربي وأروينا من نيلك
أزرعي قوتك صوني حدودك
وعدوك ياخذ البلاص
الفنتاس الفنتاس
عمدة برما مهوش هجاص
الفنتاس حامي الحرية
ومشرب برما الوطنية
رايته عالية وميئته حليّة
والمركبة عايزة رفاص
الفنتاس الفنتاس
عمدة برما مهوش هجاص
مشاريعنا مشاريع قومية
وهانبي فنتاس فيه ميه
مسك وعنبر شهد مكرر
عاش عمدتنا المجدع عاش

- صوت1: شرفت يا سيدنا المولد .. والعمدة بتاعنا حويط
- صوت2: عمولة قيمة وسيما .. وأغاني وحارة عيد
- صوت3: وجا بولك أغلى مقام .. والقصد مسافة السكة
- صوت1: مأهو مولد ساير داير .. وعمولة وهات الفكّة
- صوت2: جابوا السيدة لبرما .. ومقام سيدي العريان
- صوت3: كده وف لمحة عين خفوه وكأنه ما كان
- صوت1: أسفخص أيوة عليهم ده زور ده بهتان
- صوت3: و في برما أنا حجيت
- صوت2: شي الله يا أصحاب البيت .. شي الله يا أصحاب البيت
- صوت3: برما فيها العجايب .. والكوسة فيها قا نون
- صوت1: على كل لون يا بتيسته .. على كل صنف ولون
- صوت3: وجناب العمدة أهو راكب
- صوت1: ورقص وهاتيفة ومواكب
- صوت3: ولاحدش فاهم حاجة
- صوت2: شي الله يا أصحاب البيت .. شي الله يا أصحاب البيت
- حنا: (ينظر إلى الجمهور) أه يا بلد آه .. نفرح نغني .. نحزن نغني .. مولد وصاحبه غايب .. دنياااااا
- طفل : أما .. أما أنا جعان ؟!
- امرأة3: اسم النبي حرسك وصينك .. يا كبد أمك علشان كده عمال تجز على سنائك يا ولا
- طفل : أنا ميت م الجوع يا أما
- امرأة3: معندناش أكل يا ولا
- طفل : وإحنا ليه معندناش أكل يا أما ؟
- امرأة3: علشان أبوك مبيرحوش الشغل .. عاطل .. على بابا الله
- طفل : طب هوه ليه على باب الله يا أما ؟
- امرأة3: علشان الأشغال على قفه مين يشيل يا بني (يتسلل الطفل إلى دكان عم حنا الساعاتي مناديا)
- طفل : عم حنا .. عم حنا
- حنا : أنت ابن مين يا بني ؟

- طفل: أبويا رمضان حسب النبي شعلان .. اللي بيخلط اللبن بميه الترعة ويبيعوا للناس كل يوم .. والناس خلاص بطلت تشتري منه .. وأمي قالت لي أنه بقى عاطل .. على بابا الله
- حنا : (يضحك) أنعم وأكرم (يناوله قطعة حلوة) وأنت اسمك آيه؟
- طفل: جوعلص .. اسمي جوعلوص يا عم حنا
- حنا: مبارك يا سي جوعلص .. والله اللي يشوفك يقول عمدة
- طفل: مبالش سيرة العمدة يا رجل طيب .. ده ليه معايا حكاية طويلة
- حنا: أنت تعرفه ياولا يا جوعلص
- طفل: أبدأ طشاش كده .. بس شفت صورته .. ضحكته بتفكرني بجاموسة ستوتة العمشة وهيا عوشر
- حنا: شوقتنني آيه الحكاية بقى ؟
- طفل : من يوم ما أتولدت والريالة مساكني .. صبح وليل وليل وصبح .. أمي غلبت معايا .. حتى حجاب مولانا
- مجبش نتيجة .. وفي يوم من ذات الأيام لقينا صورة العمدة مرمية جنب المصرف .. أمي خافت م العمدة قامت وديتها لمولانا .. قام قالها ..خدي الصورة دي ووريها لأبنك ثلاث مرات في اليوم .. صبح وضهر وعصر
- حنا : وبعدين
- طفل : خلاص
- حنا: خلاص آيه ؟
- طفل ريقى نشف .. والريالة أتمنعت بقدرة قاد ر
- حنا: كده مرة واحدة
- طفل: أمي سألت مولانا .. قام قالها إذا كان العمدة منشف ريق الناس دي كلها مش ها يقدر ينشف ريق المحروس إبنك
- حنا : (يضحك) الله يخرب شيطانك .. مبارك يا جوعلص
- امرأة3: واد يا جوعلص .. أنت يا ولا .. أنت رحت فين يامزغود في نني عينك .. والله لأنني أيلة لأبوك
- طفل: حبيبي يا عم حنا (يهم أن يأكل الحلوة , فتلمحه أمه وتأخذ الحلوة من يده وترميها بعيداً)
- امرأة3: أنا مش منبهة عليك يا مقصوف الرقبة متخدتش حاجة من حد (وهي تنظر لـ حنا الساعاتي)

- حنا: البلد دي بخير بس مش ناقصنا غير المحبة .. المحبة .. الـ مـ حـ بـ
- رجل1: صباح الخير يا ملك الساعات .. عيد ميلاد مجيد.. (هابي كريسماس)
- حنا : صباح النور يا سيدي .. يا صباح العيد .. أنت لسه فاكِر .. ده فات يجي جمعيتين وأكثر
- رجل1: كفاية يا بركة .. إحنا قدرين علىُ جمعة واحدة أما ها نقدر على جمعيتين .. مش كده يا عم حنا
- حنا: يعلم الله
- رجل2: مالك يا عم حنا شايل عبد القادر ليه ؟
- حنا : خير يا بني كله خير .. ثم أنت شايف وقف الحال .. المؤلد والزليطة والزنبليطة والأردغانة من غير مناسبة
- رجل3: الفنتاس يا عم حنا .. الفنتاس
- حنا : لله المجد في الأعالي وعلى الدنيا السلام وبا الناس المسرة
- رجل1: حبيبي يا عم حنا .. بقولك آيه يا رجل يا عجوز أنت آيه رأيك في جناب العمدة ؟
- حنا: يعلم الله
- رجل2: والغلا اللي إحنا بننكوي بيه ليل ونهار يا مقدس ؟
- حنا: نشكر الله
- رجل3: شغال كويس يا عم حنا .. يا عني بتقدر تكفي نفسك أكل وشرب ولبس وعلاج ؟
- حنا: نحمد الله
- جميعاً: المقدس حنا ملوش حل (يقوم حنا ويعدل الكرسي ويعطي ظهره للجمهور ناظراً إلى الساعة بتركيز)
- رجل3: بقى حنا يعلم الله
- رجل1: و من يومها والساعة واقفة بس الغريب أنها واقفة على ساعة محددة .. وعمرها ما أتعتعت أبدأ
- رجل2: قصدك واقفة على الساعة أنتين وخمسة بعد الظهر
- رجل 3: دي ساعة أما عبرنا الكنال يولاد .. وأبنة الباشمهندس باقي أكل خط با رليف بمدافع الميه اللي اخترعها

- حنا: كيرا ليسون .. كيرا ليسون .. رحمتك يارب
- المنادي: أهل برما الكرام .. اليوم يوم عيدكم .. اليوم يوم عيدكم الأكبر .. هاللو
- افرحوا غنوا .. أهل برما الكرام اليوم يوم عيدكم .. يوم الإنجازات .. إنهاردة إن شاء الله ها تنتقل برما نقلة جديدة .. هللو افرحوا
- غنوا .. هيصوا (الأغنية)
- (يدخل العمدة ومعه لفيف من العامة والخاصة بربطة المعلم ومعهم الشيخ درويش)
- العمدة: "أيها الإخوة المواطنون" إحنا هنا اليوم لوضع حجر أساس مشروع كبير قوي مشروع لولادنا وولاد ولدنا من بعدنا .. قصره للأجيال اللي لسه ما تولدتش .. برما أنا بحبك قوي قوي قوي .. أتولدت فيكي وأتعلمت
- و أشتغلت برضة فيكي , وإن شاء الله بعد عمر طويل أدفن فيكي
- الجميع: يديك طول العمر يا عمدتنا .. عاش عمدة برما عاش (تذاع أغنية الفنتاس)
- رجل2: يا جناب العمدة أنا بعث اللي ورايا واللي قدامي عشان أوظف وهدان أبني .. وبرضه متوظفش
- العمدة : أنت مصيبتك هينه .. أمال أنا أعمل آيه .. أنا بعث برما كلها علشان أوظف جمعة أبني وبرضه متوظفش
- رجل2: بقى الحكاية كده .. يعملها المرشد ويفلق .. والعمدة ودن من طين وودن من عجين .. ياعني لازم أربي دقني وأبقى مع الجماعة أياهم علشان آخذ حقي .. ولا أهتف وبرطم بكلام ملهوش عازة زي بسلمتوه
- العمدة ويقولوا عليا وطني .. ولا أحتنف الدقن وأفرق شعري وألبس خواجاتي وأبقى إخواني .. لينا رب أسمه الكريم .. عدلك يا رب
- رجل1: هوه صحيح الكلام اللي سمعناه يا أبا العمدة ؟
- العمدة : سمعتوا آيه سمعتوا الرعد في ودا نكم نفر يقول للتاني
- رجل2: هلبت يا عمدة عينوك سفير للنوايا الحسنة مش كده برضه
- العمدة : أيوه.. الجماعة بتوع حقوق الإنسان شافوا إني أنسب واحد للشغلانة دي.. حد ليه شوق في أيتها حاجة
- رجل3: لاحاجة ولا محتاجة .. وأهي نوايا تسند الزير
- الغفرا: آي والله
- حنا : يا جناب العمدة أنا عملت اللي قولتلي عليه وغيّرت اليافة .. شايفها جنابك (حنا وشركاه)
- بس نفسي أعرف جنابك مين اللي مشاركني في دكاني
- العمدة: أنت عندك أولاد يا مقدس حنا

- حنا : أيوة يا جناب العمدة.. وحضرتك سيد العارفين عندي الباشمهندس باقي .. أنت متعرفوش يا عمدة
- العمدة : أزاي ما أنا مكرمہ وعطيته أعلى الأوسمة والنياشين .. خلاص خاويه يا مقدس .. أعتبر خميس أبناك الثاني
- حنا: " احفظنى يارب فأنى عليك توكلت . قلت للرب أنت ربى و لا تحتاج إلى صلاحى "
- المنادي: أهل برما الكرام .. اليوم يوم عيدكم .. اليوم يوم عيدكم الأكبر .. هاللو افرحوا غنوا .. أهل برما الكرام اليوم يوم عيدكم .. يوم الأنجازات .. إنهاردة إن شاء الله ها تتنقل برما نقلة جديدة .. هللو افرحوا غنوا .. هيصوا
- العمدة: أهل برما الكرام أنا منكم وأليكم .. بفكر فيكم ليل ونهار .. وخصوصا محدود الدخل .. من كتر المشاكل
- أبني أسم النبي حارسه وصينه جمعة ما أنتوا عارفينه آخر نباهة وفهلوة وشطارة .. أهوه بيساعد ني في حلها وأهو كله بثوابه
- صوت 1: يا عمدة يا جناب العمدة .. إلحقنا يا كبير الناحية .. غيتونا يا عالم
- غفير 1: أنت تاني يا غراب البين .. جرى آيه يا ولا يا صابر ؟
- العمدة: جرى آيه يا بلد .. مالك يا ولا جاي زي بابور السكة الحديد المصدي .. قطر يلهفك
- صوت 1: المعدية يا جناب العمدة
- العمدة: معدية آيه يا ولا ؟
- صوت 1: المعدية اللي بنعدي بيها البر الثاني
- العمدة: مالها يا ولا المعدية
- صوت 1: غرقت والناس اللي فيها غرقت كمان
- العمدة: (بتعجب) هما مين اللي غرقوا دول .. يقصد آيه غراب البين ؟ أن مشكلتي الأولى والأخيرة محدود الدخل و...
- صوت 1: (مقاطعاً) لاحول ولا قوة إلا با الله .. ولسه بتتكلم عن محدود الدخل .. دا أنته خليته معدوم الدخل
- صوت إمراة: اللي حداهاااااااا عيش

- المنادي: أهل برما الكرام .. اليوم يوم عيدكم .. اليوم يوم عيدكم الأكبر .. هللو افرحوا غنوا .. أهل برما الكرام اليوم يوم عيدكم .. يوم الأنجازات .. إنهاردة إن شاء الله ها تنتقل برما نقلة جديدة .. هللو افرحوا
- العمدة: أيها الأخوة والأخوات .. أن برما اليوم أفضل من برما أمس .. و من برما المستقبل .. أنا منكم وأنتم مني وزيتنا في دقيقنا .. والمشاريع كثيرة با العبيط بس قول يا نفس .. الغفير شلجامي ببسألني ويقول لي يا عمدة أنت لي ما نصحتش الواد سالم .. والله أنا لما جالي أنا روحته .. وقعدنا نتكلم ونتحاور .. ويحور , و أحور معاه وينهمني وأ نهده من طقطق لسلاموا عليكموا وسييته وأنا مطمئن .. يقوم بعد أما أسيبه يرجع في كلامه .. ويعب م المية عب ده اسمه كلام ده .. وقعدنا نقول ياما بس آيه أخرة القيل والقال .. با النسبة لأخوانا في كفر الداغشة من حقهم يفتشوا اللي رايح واللي جاي دول جيران الهنا .. ومن حقهم يعرفوا مين اللي داخل ومين اللي خارج .. ده من صميم حقهم يا أهل برما .. ثم الانتخابات على الأبواب .. وبا النسبة ليا شخصيا أنا لم أكن أنتوي الترشح بتاتا لازم ندي فرصة للجبل الجديد) يطبطب على كتف أبنة جمعة) همتكم معانا يا أهل برما الكرام .. والله ولي التوفيق .
- المنادي: أهل برما الكرام .. اليوم يوم عيدكم .. اليوم يوم عيدكم الأكبر .. هللو افرحوا غنوا .. أهل برما الكرام اليوم يوم عيدكم .. يوم الأنجازات .. إنهاردة إن شاء الله ها تنتقل برما نقلة جديدة .. هللو افرحوا (في هذه الأثناء يدخل إلى المسرح مجموعة ملثمين ومعهم المرشد ويقومون بضرب حنا أمام دكانه فيحدث هرج ومرج)
- جماعة المرشد: إسلامية .. إسلامية .. لببيك يا مرشد لببيك .. لببيك يا أقصى لببيك .. إسلامية .. إسلامية
- السمرى: يله يا عمدة زوغان مفيش وقت .. (للغفر) هاتوا خميس وجمعة بسرعة وحصلونا (يخرجوا مسرعين)
- غفير1: (للغفر) يله يا خويا خلصت .. اتحركوا يله كل واحد يزوغ بمعرفته .. غفرا زوغان .. العركة بدأت
- السمرى: (للشيوخ درويش) همتك بقى يا مولانا .. ربنا معاك (يخرجوا مسرعين تاركين المسرح ماعدا مولانا)
- امرأة3: يا خرابي يولاد حد يبلغ الحكومة .. بلغوا المركز .. بلغوا النيابة (الجميع حول عم حنا)

- رجل 2: محدش يلمس حاجة .. محدش يلمس حاجة .. دلوقتي الحكومة تيجي وتعمل اللازم
- رجل 3: موت يا حمار
- رجل 1: (إنا لله وإنا إليه راجعون) .. الأسعاف يا ناس .. اطلبوا الأسعاف بسرعة .. الرجل بيوفر .. سايح في دمه
- حنا : "طوبى لمن اخترته وقبلته ليسكن في ديارك إلى الأبد"
- طفل : يبكي بحرقة .. عم حنا رد عليا يا عم حنا .. ده لسه عطيني الحلاوة
- رجل 3: فين العمدة والغفر .. راحوا فين
- رجل 2: قول يا باسط وخلينا في دا الهم اللي ما بيتلم .. من أمتى في برما بيشليوا همنا .. عليه العوض ومنه العوض
- الشيخ درويش: أهدوا يا جماعة الخير .. لكل أجل كتاب .. (فإذا جاء أجلهم لا يستقدمون ساعة ولا يستأخرون)
- رجل 1: صدق الله العظيم .. ونعم با الله .. بس دي جريمة يا مولانا الشيخ .. كده عيني عينك .. يبطحوا الراجل
- رجل 2: يرضيك يا مولانا .. اللي بيعملوه فينا أولاد عمنا في كفر الداعشنة .. سرقة ونهب وضرب وقلة قيمة
- الشيخ درويش: دول كلاب أهل النار .. دول خوارج آخر الزمان .. كله إلا كده .. قتل وضرب .. إحنا متفقناش على كده
- رجل 3: يرضيك يا مولانا .. العمايل دي ترضي ربنا .. بيخوفونا .. وبيضربونا في مقتل .. خلاص الكيل فاض بينا
- الجميع: أفرجها من عندك يا قادر عدلها يا كريم
- جماعة حنا: (وهنا تدخل المسرح جماعة حنا مع الهاتف بدون أشتباك) يا أبو دبورة ونجمة وكاب .. ها تعمل آيه مع الأرهارب
- جماعة المرشد: إسلامية .. إسلامية .. لبيك يا مرشد لبيك .. لبيك يا أقصى لبيك .. إسلامية .. إسلامية
- جماعة الشيخ درويش: (تنضم لجماعة حنا) "يسقط .. يسقط يمك المرشد .. يسقط .. يسقط يمك المرشد"

- جماعة حنا: "يا أبو د بورة ونجمة وكاب .. ها تعمل آيه مع الأرهارب "
- جماعة المرشد: " قالوا علينا خلايا أرهاب وإحنا جيران الباب في الباب"
- أهل برما: " تمثيلية تمثيلية .. والعصابة هيا هيا "
- جماعة أخرى: "الجدع ججع ..من يوم ما تولد .. وإحنا يا ججع راجعين المولد
- جماعة حنا: " إيدي في إيدك للحرية .. مش حرامية وبلطجية"
- جماعة الشيخ درويش: " شعب برما كله عزيز .. غوري يا دولة العواجز"
- جماعة حنا: " قول يا حسين قول يا بولس .. طه عيسى إخوات يونس"
- جماعة أخرى: "الشعب يريد .. محاكمة البعيد" جماعة حنا: "عَلِّي وَعَلِّي وَعَلِّي الصوت .. اللي بيهتف مش ها يموت"
- أهل برما: "يا بلدنا يا تكية .. يا وسية .. سارقوكي الحرامية" (يظهر العمدة بين الجموع ومعه حشاكيله)
- العمدة: أيها الأخوة والأخوات .. أن برما اليوم أفضل من برما الأمس (يزيد الهتاف) .. خلاص أني فهمتكم خلاص إن شاء الله ها نحاول التغيير إن شاء الله.. وها أبني فنتاس كبير ..كبير قوي
- أهل برما: " أرحل أرحل أنته خازوق .. شعبنا منك بقى مخنوق"
- العمدة: "أيهما الإخوة المواطنون أنا أنا .. لم أكن أنتوي الترشح للعمودية مرة أخرى .. خلاص فهمتكم
- جماعة أخرى: " أرحل .. أرحل .. أرحل يا عني أمشي .. يلي ما تفهمشي "
- العمدة: أنا بستنكر .. و أ ندد بشدة .. وأشجب .. وأستنكر .. وأ ندد بشدة .. وأشجب للي حصل للمقدس حنا

- جماعة أخرى: " كلموه با العبري مبيعرفش عربي "
- الشيخ درويش: أستهدوا با الله يا جماعة الخير .. الشيطان دخل بينا .. أستعينوا با الله من الشيطان الرجيم .. الصلح خير برضه (حكم من أهلها وحكم من أهله) .. وربنا ما يجبش حاجة بطالة
- أهل برما : " هيل هوبا هيل هوبا .. عايزين برما تبقى أوربا "
- أهل برما : " هوه العمدة عايز آيه / عايزنا نبوس رجله/لاء يا عمدة مش ها نبوس / بكرة عليك با الجزمة ندوس "
- جماعة حنا: " قالك قالك قالك آيه .. قبل مايمشي سعادة البيه .. قالك قتل في الأقباط .. قالك خلقت برما بنات .. لا يا كبير يا هلفوت / خلقت برما نمور وأسود / ياللى ساكت ساكت ليه / أنت خايف ولا آيه "
- أهل برما : " إعتصام إعتصام .. قلي فين راح النظام "
- جماعة حنا: " جرى آيه جرى آيه .. هوه القبطي ذنبه آيه "
- (أهل برما في منتصف وسط المسرح ومن حولهم تدور رحى الهاتفات الحنجرية وهم في ذهول من هول الموقف)
- أهل برما : " هوه يمشي مش ها نمشي .. هوه يمشي مش ها نمشي "
- مغني الميدان: " كلنا أيد واحدة وطلبنا حاجة واحدة " أرحل .. أرحل .. أرحل
- الجميع معاً: " يسقط يسقط ظلم العمدة .. يسقط يسقط ظلم العمدة " , " هوه يمشي مش ها نمشي " (يقوم المتظاهرون بعمل (حضره) أو (زار) و هي نوع من أنواع الطقوس الشعبية التي كانت تستخدم قديما في طرد العفاريت و الجن من المسوسين , و إستخدموها هذه المرة للتعبير عن رغبتهم العارمة في طرد العمدة والأشرار من برما كله)
- الزار : (الجموع بمختلف الطوائف) " الله حيّ الله حيّ "
- المنشد: (للي عاملي فيها شريف / مش لاقيين حق الرغبة)
- الجموع: الله حيّ الله حيّ

- المنشد: (المستهبل فيها زمان/ وبياعنا برما كمان)
- الجموع: الله حيّ الله حيّ
- المنشد: بعد ده كله عايزنا نسييه / واللي يصيبه ها يبقى نصيبه (
- الجموع: الله حيّ الله حيّ
- المنشد: (إحنا ها ندعي الدعوة تصيبه/ وراح يخره من بينا الحيّ)
- الجموع: الله حيّ الله حيّ
- شلجامي: استهدوا با الله يا جماعة الخير.. كل طلباتكم مجابة إن شاء الله .. بس راوحوا لبيتكوا و كل واحد يروح لحاله خلاص الرسالة وصلت .. استهدوا با الله واعمللكوا قافلة
- الجميع: " حالوا يا حالوا رمضان كريم يا حالوا .. حل الكيس وبلاش تهجيص .. ما احناش مشيين يا حالوا "

(أظلام تام)

المشهد الخامس

(المنظر)

(تفتح الستارة على بانوراما كاملة لمقام السيدة زينب رضي الله عنها وأرضاها) مقام سيدي العريان سابقاً)
في الخلفية والميدان الفسيح والشارع الرئيسي بطول المسرح وبعض الحوانيت القديمة مثل دكان الساعاتي المغلق والساعة في مكانها ودكان الترزوي وخلافه وبجانبه القهوة الشهيرة (بورصة سيدي العريان سابقاً)

- درويش3: (من مقاطيع السيدة أبو صفارة.. يصفر توت توت) سيدنا النبي .. سيدنا النبي .. عظيمة يا ست .. كريمة يا ست)
- درويش1: مدد يا أم هاشم مداد .. مدد يا سيدنا الحسين .. مداداد.. مدد على طول المدد .. مداداداداد
- درويش2: اللهم صلي على حضرة النبيي .. اللهم صلي على نور النبيي..اللهم صلي على الرئيسة العظيمة الطاهرة الشريفة الكريمة المشيرة العليمة ستنا السيدة زينب
- درويش1: مدد يا أم العواجز مداداداد (يدخل إلى المسرح حاملا مبخرة ويبخر بها كل شيء في الميدان) مدد يا طاهرة مداداد (مازال يبخر المكان) برما محسودة .. برما محسودة .. العين تفلق الحجر .. ومدد يا سيدي العريان مداداد
- رجل1 : آيه الحكاية إحنا ها نكذب الكدبة ونصدقها مقام مين وأم هاشم مين .. ما كل الناس عارفة أن مقام أم هاشم في مصر المحروسة وأن المقام ده لسيدي العريان من زمان الزمان
- رجل2: إسكت الحيطان ليها ودان .. أنت عايز تودي روحك في داهية .. ما تنقطنا بساكتك
- رجل1: خلاص أتكتمت أهو .. تملي كلمة الحق بتزعل
- رجل2: شاطر .. أتلهي بقى في يومك اللي ملوش لون .. عد يها بقى علشان تعدي .. الله الله

- درويش2: يا عباد الله وحدوا الله .. يا عباد الله وحدوا الله .. عمل بلا دين .. ميه بلا زير في آخرتك تلقاه .. مسكين ولا وزير .. ده عملك الصالح .. تحويشة المشتاق .. دنيتنا دي فانية .. والرك ع الثانية .. هيا أكيد با قية .. مكتوبة للموعد .. للي يطيع مولاه .. يا عباد الله وحدوا الله
- درويش1: مدد يا أم العواجز مدااااا .. يا حارسة البيت .. والنيل والولد .. مدد على طول المداااااااااااااااا (يختفي الدرويشان ونسمع صوت الأذان وأجراس الكنائس ويدخل جموع غفيرة من الشعب رجال نساء شيوخ اطفال وبينهم الشيخ عماد يملأون الميدان كل في مكانه بحسب توزيع الأدوار)
- رزق: تلا تين سنه وأنا متغرب .. ونفسي ليكي يا بلدي أقرب .. عاشق أنا مشتاق .. للأرض .. للنيل .. وُغنا السواقي .. والمواويل
- دونيا: وربنا حارسك بأَم العواجز والأوليا .. يا برما يا مؤمنة
- رزق: عاشق أنا مشتاق .. للشوارع للحواري .. للهوى والليل .. لناسك الطيبين
- صوت1: اللي بيخاف يتاكل حاف
- صوت2: محدود الدخل أنا محدودو .. وبغني للصبر حدودو
- رزق: يا برما والطوفان حاجز بيني وبينك .. من كتر ظلم الأحبة إحنا اللي تعبيناك والمسكين في حضرتك متهان .. تنهشوه الديابة وتلوشه تعابيناك
- دنيا: تعرف إن سيدي الشيخ درويش من الواصلين .. زاهد .. ده با ين عليه مبروك من يومه .. بيربط ويفك ويفتح المئدَل ويشوف الفجآن .. ويقيس الأتر .. وكل ده كوم وأحلامه اللي ما تخرش الميّه كوم ثاني
- رزق: ده سره با تع .. بركاتك يامولانا الشيخ درويش
- دنيا: أيوه سبحان الله لاخش كتاب ولا درس في الأزهر راجل جاهل وعنده كتير من الأسرار
- رزق: ده جاهل؟ مدعي العلم .. أفاق .. نصاب .. حلنجي وبتاع ثلاث ورقات
- دنيا: أيوه ولا يعرف يكتب ولا يقرأ .. ولا يبصم
- رزق: الشيخ اللي بحق وحقيقي هو الشيخ عماد الي متخرج م الأزهر الشريف ودرس على يد كبار العلماء
- وبيعلم الناس أن الإسلام دين الرحمة والتسامح والمحبة والوسطية
- رجل1: إوعظنا يا مولانا الله ما يسيئك (للشيخ عماد)
- الشيخ عماد: صلوا على خير الأنام .. النبي الأمي العدنان
- الجميع : عليه أفضل الصلاة والسلام

- رجل1: هلبت ليه سمو الرسولُ أُمي يا شيخ عماد ؟
- رجل2: ودي عايزة مفهومية علشان الرسول لا بيعرف يقرأ ولا يكتب يا فالح ..
مادخلش مدارس
- رجل1: وهوه كان في مدارس أيام الرسول برضه؟!
- الشيخ عماد: يا جماعة الخير الرسول سمي با أُمي لأنه صلى الله عليه وسلم كان من أهل مكة
- رجل3: يا حلاوة يا ولاد .. بقى الحكاية كده (بإستغراب)
- الشيخ عماد: أ يوة كان من أهل مكة .. ومكة أم القرى .. وذلك لقول الله عز وجل " ولينذر أم القرى وما حولها"
صدق الله العظيم
- رجل2: آمَنت بك يارب
- رجل1: : إوعظنا يا مولانا الله ما يسينك (للشيخ عماد) يا ترى يا شيخ عماد أنا من أهل الدنيا ولا من أهل الآخرة؟
- الشيخ عماد: رحم الله الشيخ الشعراوي دخل عليه أحد الأشخاص وقال له .. أريد أن أعرف أنا من أهل الدنيا أم من أهل الآخرة ؟ فقال له الشيخ الشعراوي رحمة الله عليه : إن الله أرحم بعباده.. فلم يجعل أرزاقهم في أيدي أمثالهم.. فميزان كل إنسان في يد نفسه
- رجل1: أزاي ؟
- الشيخ عماد: قال لأنك تستطيع أن تغش الناس ولكنك لا تغش نفسك.. ميزانك في يديك .. تستطيع أن تعرف أنت من أهل الدنيا أم من أهل الآخرة
- رجل1: أزاي برضه ؟
- الشيخ عماد: إذا دخل عليك من يعطيك مالا.. ودخل عليك من يأخذ منك صدقة.. فبأيهما تفرح ؟
- رجل1: (فسكت الرجل)
- الشيخ عماد: إذا كنت تفرح بمن يعطيك مالا فأنت من أهل الدنيا.. وإذا كنت تفرح بمن يأخذ منك صدقة فأنت من أهل الآخرة .. فإن الإنسان يفرح بمن يقدم له ما يحبه .. فالذي يعطيني مالا يعطيني الدنيا.. والذي يأخذ مني صدقة يعطيني الآخرة.. فإن كنت من أهل الآخرة.. فافرح بمن يأخذ منك صدقة.. أكثر من فرحك بمن يعطيك مالا

- رجل 1: (فأخذ الرجل يردد) سبحان الله .. سبحان الله .. سبحان الله
- الشيخ عماد: قال الشيخ الشعراوي رحمة الله عليه: لذلك كان بعض الصالحين إذا دخل عليه من يريد صدقة ،
- كان يقول له متهللاً مرحباً بمن جاء يحمل حسناتي إلي الآخرة بغير أجر .. ويستقبله بالفرحة والترحاب
- رجل 1 : إذن أقول .. "إنا لله وإنا إليه راجعون "
- الشيخ عماد: لا تيأس من رحمة الله .. سر في ركابهم تلحق بهم .. إن لم تكونوا مثلهم فتشبهوا بهم إن التشبه
- بالكرام فلاح .. إن جاءك المهموم إ نصت .. وإن جاءك المعتذر أصفح .. وإن جاءك المحتاج إنفق ليس المطلوب أن يكون في جيبك مصحف .. ولكن المطلوب أن تكون في .. أخلاقك آية هنيئاً لمن يزرع الخير بين الناس يجعل من يراك يدعو لمن رباك .. فنقاء القلب ليس غباء إنما ميزة يضعها الله فيمن أحب .. أسعد الله قلوبكم ورضي عنا وعنكم
- رجل 2: ربنا يزيدك من نعيمه كمان وكمان يا مولانا الشيخ عماد زيدنا يا مولانا
- الشيخ عماد : أسمع يا بني آفة الإيمان الإنكار وآفة الإسلام العلل وآفة العمل المثل وآفة العلم النفس وآفة الحال الأمن وآفة العارف الظهور وآفة العقل الجور وآفة المحبة الشهوة
- رجل 3 : الله الله الله زيد يا مولانا زيد
- الشيخ عماد : وآفة الداعي الميل إلى المريسة وآفة الظلم الإنتشار وآفة العدل الإنتقام وآفة التقيد الوسوسة وآفة الإطلاق الخروج على الحدود وآفة الحديث النقص .. هذا من علم أهل بيت النبوة والصالحين
- دنيا: والله إن كل آفة منهم تحتاج مراجع ياما ده علم الصالحين مش بقولك بركاتك يا مولانا
- الشيخ عماد: يا بنتي هذا من فضل الله (هرج ومرج يظهر الشيخ درويش)
- الجميع: الله الله ربنا يفتح عليك يا مولانا الشيخ عماد
- رجل 1: هلبت يا مولانا هلبت تقدر تنصحننا بأيه هلبت يا مولانا في مسألة الحرام والحلال؟ (للشيخ درويش)
- الشيخ درويش: صلوا على النبي .. زيدوا صلاة النبي .. كان ياما كان .. في سالف العصر والأوان ثلاث أصحاب

حرامية.. وفي يوم من ذات الأيام سرق الثلاث حرامية كنز .. وحطوه على ظهر الحمارة من ثقله وهما مشايين في الطريق أتفق اللتين على قتل زميلهم الأولاني .. وبالليل قتلوه .. وبعد كده واحد قتل زميله الثاني .. فضل هوه والحمار أكرمكم الله .. وهوه ماشي أترحلق وقع من فوق الجبل ومات .. قام رجع الحمارة لصحابه .. شفتهم المال الحلال ما يضعش أبداً

- رجل1: مولانا أما الثلاثة ماتوا وشبعوا موت مين اللي حكى لنا القصة من أساسها ؟

- الشيخ درويش: (متسرعا بدون تفكير) الحمارة طبعاً .. ودي عايزة كلام
- الجميع : (في صوت واحد) الله ينور عليك يا مولانا الحمارة .. طبعاً هاهاهاها (ضحك)

- رجل2: يا الله عليك يا شيخ عماد نورنا من فيض علمك .. والنبي .. والنبي .. عشان خاطر سيدنا النبي

- الشيخ عماد: سئل الجنيد من هو العبد المحب لله حقاً فقال: عبد ذاهب عن نفسه متصل بربه، إن تكلم ف الله وإن

تحرك فبأمر الله وإن سكت فمع الله، فهو لله وبالله ومع الله

- الجميع: الله الله ربنا يفتح عليك يا مولانا الشيخ عماد

- رجل1: سامعين الكلام اللي يتوزن بالذهب .. مش زي بعضهم

- الشيخ درويش: كفرة قللات الزمة والدين .. اللي بيظهرهم زي اللي بينجسهم

- رجل2: أتقي الله فينا يا مولانا وبطل شعوذة ودجل وشغل حلا نبوذة

- رجل3: بزيادة بقي .. أنت مبتزهقش هرتلة وفتي وهتي في الفاضية والمليانة

- الشيخ درويش: الحاضرة يا أهل الحاضرة .. فأرم ها تعيشوا وتموتوا وأنتم بتفارم .. أسعى أسعى (المنشد)

سيدنا النبي سيدنا النبي .. هوه شافيعي ومذهبي يا كعبة الأنوار يا هادي يا مختار يا

نبينا يا ضي عينا يا نبينا يا غالي علينا الله حي الله حي .. الله الله الله

- دنيا: هوه جرى للناس آيه ؟ زمن عجيب .. زمن الفتن .. ياريتنا ما عملنا المولد

من أصله ما أهو .. الحال زي ماهوه .. مفيهوش جنس تغيير .. مولد وأثنين وبرضه

.. لف وأرجع كله تمام يا مولانا

- رزق: ثلاثين سنه وأنا متغرب .. ونفسي ليكي يا بلدي أقرب .. عاشق ومشتاق ..

وأه م العشق والعشاق

- دنيا: عاشقين ترابك يا بلدنا يا بهية .. يا ناعسة .. يا أم الصابرين .. يا ست الكل يا

محروسة

- رزق: يا برما حضرتك (تاج) المعالي يا حلوة الحلوين/ يا أم القلب الحنين والدفا والنيل تتقلب عليك الفصول مرة شمال ومرة يمين/ وأنتي صابرة وصامدة علىُمر السنين
- رزق وُدنيا معاً: وحشتينا يا برما.. وحشتينا يابلد العمار والنصر
- صوت إمراة: (منادية) اللي حداهااااا عيش .. اللي حداهااااا عيش
- صوت1: اللي بيخاف يتاكل حاف
- صوت2: محدود ا لدخل أنا محدود و.. وبغني للصبر حدودو
- صوت3: برما دي غالية عليا .. برما دي غالية عليا .. يارب إفرجها من عندك يارب يا حنان يا منان
- صوت4: فرجه قريب .. وحدوووووووووووووووو ووو
- الجميع: لا إله إلا الله محمد رسول الله (صلعم)
- صوت 3 : برما دي غالية عليا
- صوت 4: أنت بتبرطم بتقول آيه ؟
- صوت3: برما غالية عليا
- صوت 4 : وغالية عليااااااااااااااا أنا كمان
- صوت3: ود ي فيها حاجة دي.. مت قوله يامولانا .. فْهمه نوره عَلمه عَقله قبل ما يجنن
- صوت 4 : أزي حالك مش لسه برضه زي حالي. لسه بتضمك شوارع. ولسه كارهاك البيوت. لسه قادر ع السكوت. لساك حى. الله يعينك ع اللى جى
- الشيخ عماد : وما النصر إلا من عند الله .. في الإتحاد قوة .. الأسلام دين الوسطية والأعتدال والرحمة والتسامح
- صوت 4 : يا صاحبي قولي مالك ده الطريق لساه طويل / لون الأيام بحلمك وأنسى كلمة مستحيل / ياباي عليك يا مصري لما تسوء في الدلال / شوفلك حل إ نهاردة وهناك ألف سبيل
- صوت إمراة: (منادية) اللي حداهااااا عيش .. اللي حداهااااا عيش
- صوت1: اللي بيخاف يتاكل حاف
- صوت2: محدود ا لدخل أنا محدودو .. وبغني للصبر حدودو
- صوت 3 : قصدك آيه ..إِحْيِي النهاردة وموتني بكره ؟
- صوت 4 : العدل ومفيش غيره العدل .. والمساواة في الظلم عدل .. العدل يا أهل الله .. العدل يا هوووه

- صوت5: عجبك كده أهو أنت فتحتة أهه
- صوت3: خدوا الحكمة من أفواه العقلاء
- صوت4: العقلاء برضه (يشاور بإيده) .. العقلااااا
- صوت3: متحبكهاش بقى أنته قاعدلي ع الواحدة .. قصدي الحكماء .. أحباب الله .. مبسوط
- صوت4: متخافش من بكرة .. خاف بس من خوفك .. خلي الحياة فكرة .. و أ رسمها بحروفك
- صوت3: وداري على خيبتنا .. ونقطنا بسكوتك .. واكفي ع الخبر ماجور ليمأماً خروفاك (ضحك)
- صوت5: اللهم صلي على حضرة النبيي .. اللهم صلي على نور النبيي .. مش ده مقام ستنا زينب ؟
- صوت 4 : رضي الله عنها وأرضاها .. أيوه هوه .. نقطنا بسكاتك وبلاش كتر كلام
- صوت 3 : آمال فين مقام سيدنا العريان هما برضه خصصوه هوه راخر ولا آيه ؟(صوت4 ينظر إليه غاضبا)
- صوت 4 : بقولك آيه حرما يا سيدي .. صباح الخير
- رجل 1: الحمد لله المولد أنفض والشر أ تكل على الله والمقام في أ يد أمينة
- صوت3: متصدقوش كل حاجة .. اللي تحسبه موسى يطلع فرعون
- رجل 1: ألا قولني هوه شنب العمدة راح فين ؟
- صوت3: لازم الست حرمة خرطته للوز (ضحك)
- صوت امرأة : (منادية) اللي حداهااااا عيش .. اللي حداهااااا عيش
- رجل2: الحمد لله الحرامي بيتحاكم فوري .. انهارده كلنا قدام الأنون واحد .. معدش فيه كوسة ولا واسطة ولا محسوبية
- رجل3: يا عم قوول يا باسط
- رجل1: للي بيقول مقيمتش ثورة ع الفساد .. بص شوف المولد اللي زاد ورجع الحق والمستحق لأهلينا الغلبة .. وسيدنا عترة ومجدع ورب العباد
- رجل2: الميدان له ودان نقطنا بسكاتك

- رجل3: مش نقصاك أنت راخر
- صوت إمراة: (منادية) اللي حداهااااا عيش .. اللي حداهااااا عيش
- رجل1: صعبان عليا مشي الجميل حافي / من كتر عشق الصبايا إنتحلت أكتافي زرعت أر ضك ودموعي مراوي ليكي / واللعة طلعت كتابة والمَلَك هو الشافي
- رجل2: سين سؤال؟ أمتى كنا في البلد دي مرتاحين / ولا يا عني الدنيا قادرة ع الغلابة الكحيانين / مش مهم السرعة في القرار أو المبادرة / إنما خيوب عليك لو قتلتي إحنا فين ؟
- رجل3: بطل تشاؤم بقى يا جدع أنته وخليك أيزي
- رجل1: إلا قولي .. اخبار البط آيه؟ هوه بكام النهاردة .. أنا سمعت أنهم عملوا تقفيسة للبط
- رجل2: تقفيسة عشة يا عني .. فين ؟
- رجل1: في الجنينة .. علشان جميع الأخوة في الميدان تسمن وتربرب .. وكلها مشاريع آمن غذائي
- رجل2: الله وبكده يبقى إكتفاء ذا تي بحق وحقيقي .. مش ناقص غير زريبة للبهائم وتبقى كملت من مجاميعه
- رجل1: ما أهو الحرامي كان بيربي كلاب .. والشعب يا عيني مش لاقى كلب واحد يدافع عنه
- رجل3: الحمد لله دلوقت المقام بينام ويقوم على كلام الله .. شي الله يا سيدنا. شي الله يا أميرالأمر
- رجل2: أنت بقى مصد قهم دول كلاب أهل النار .. وبكره الميه تكذب الغطاس
- رجل3: يا أخونا في صباعين تلاته بتلعب في المولد ؟
- رجل1: يقصد آيه الرجل ده؟
- رجل2: يقصد ولا ما يقصدش أيامهم بقت معدودة .. إن شاء الله على طلعت المولد اللي جاي يكونوا أنكشوا
- رجل3: المرشد بيه ده مش ممكن يكون إ نسان أبداً .. ده إ نسان مش طبيعي والعمدة كمان مَيَّاس ..
- والا الشيخ درويش؟! إ يدك و القبر
- رجل2: أنعم وآ كرم ربنا يا خدهم علشان برما تستريح من بلا ويهم .. خلي برما تنصف

- رجل3:الموّلد اللي جاي ينكشحو (بتعجب) .. يا مين يعيش .. ده إحنا ما صدقنا وعيشتنا بقت ملبن ..تاني ها يتلموا في الميدان .. والزحمة اللي مبتعرفش الرحمة .. وشغلنا يوقف
- رجل1: با العكس الحال ها يبقى معدن بإذن الله .. سيبك صبح على مصر المحروسة صبح صبح يا عم الحاج .. خد عَفر (يناوله سيجارة)
- رجل2: أحلى صباح عندي .. صباeck المحشي .. صباeck الفواح
- صوت إمراة : (منادية) اللي حداهااااا عيش .. اللي حداهااااا عيش
- صوت1: اللي بيخاف يتاكل حاف
- صوت2: محدود ا لدخل أنا محدود و.. وبغني للصبر حدودو
- رزق: يا برما فيكي الأدان متصان والعيلة ملمومة .. ولما دعينا لبينا وأومنها يا حكومة
- دنيا : عمرك من عمر الزمان توأم حياة الروح
- رزق: وسنين تعدي أوام أضحك وأنا مدبوح
- فيكي الجراح تواريخ (بحزن)
- دنيا: يا برما يأم التاريخ فيكي الجراح تواريخ ..

- الصبر يا مؤمنة دي حياتنا دي ممكنة .. وتعيشي لبنا كمان .. طلي على الميدان .. طلي يا أم العواجز
- رزق : تلقينا دايمًا هنا .. بنصوم وبنصلي .. وبندعي ع الظالم .. يا رب يا عالم .. صلح كده احوالنا
 - والحب فيكي طريق .. ملضوم مع ناسك .. عيشتنا بمناهة ومحتارين ناسك .. يا برما يا أم الكرم
 - دنيا : دول حاملين همك .. وصاينين عرضك .. من شر أي خسيس .. أ وأي صد يق خانك
 - رزق : الله حماكي وبهاكي وكتر الأرزاق .. أصل الخبير رزاق دنيا
 - صوت1: اللي بيخاف يتاكل حاف
 - صوت2: محدود ا لدخل أنا محدودو .. وبغني للصبر حدودو
 - دنيا:والأصل كله هنا يا برما يامؤذنة / حي على الأفلاح والغالب الفتاح / يا دعوة الأنبيا ومساجد الأوليا

شهدوا بإيمانك يله أرفعونا الآدان

- رزق: إذا دعينا للميدان .. و كعبنا متحني .. بترابك الزعفران .. وحمامك الأُمري..حتى بنات الحور.. دول نبته من طرحك يا أم الهوى والميل ونجوم بتحبي الليل .. وغناكي متقسم والنسمة بتنسم .. بنسيم جميل وعليل (وهنا يدخل من كالوس الداعشنة مجموعة ملثمة مشعلي الحرائق الطرف الثالث الخفي ومعهم بانر مكتوب فيه " برما زباله مفيهاش رجالة" يهجمون على الجموع العريضة وتحدث مناوشات وكر وفروتشتبك معهم الأهالي)

- صوت4: طوبى لصانعي السلام
- الشيخ عماد: (طوبى) ليها معنى كبير قوي تحبه تعرفوه؟
- الجميع: قول يا مولانا أهو منك نستفيد
- الشيخ عماد: إنها شجرة في الجنة .. من ذهب .. منها ثياب أهل الجنة ظلها مسيرة مائة عام للجواد السريع .. عرفين هيا لمين ؟
- الجميع: لاء يا مولانا
- الشيخ عماد: إنها لمن كتر من الإستغفار .. فأستغفروا رحمكم الله
- الجميع : أستغفر الله العظيم من كل ذنب عظيم
- رجل2: آيه الفرق بين المَغْفِرهِ .. وَالْعَفْوِ يا مولانا ؟
- الشيخ عماد:المَغْفِرهِ أن يُسامحك الله على الذنب وَلَكِنَّهُ سَيَبْقَى مُسَجَلًا فِي صَحِيفَتِكَ .. أما العفو فهو مُسامحتك على الذنب مَعَ مَحْوِهِ مِنَ الصَّحِيفَةِ و كَأَنَّهُ لَمْ يَكُن .. لذلك نَصَحَ رَسُولُ اللَّهِ صَلَّى اللَّهُ عَلَيْهِ وَسَلَّمَ أَنْ تُكْثِرَ مِنْ هَذَا الدُّعَاءِ.. اللهم إنك عفو كريم تحب العفو فاعف عنا.
- صوت1: والمعاش يا مولانا والغلا والكوى اللي إحنا عيشينه ؟
- الشيخ عماد : يقول الامام الجنيد :لاتفرح بشيء ولا تحزن على شيء فلربما أعطاك فمنعك ومنعك فأعطاك
- (الجميع : الله الله يا مولانا ويلتفون حوله وفجأة نستمع لصوت طلق ناري مكتوم ويقع الشيخ عماد مقتولا)
- رجل1: لا حول ولا قوة إلا با الله .. قتلوا الشيخ عماد .. قتلوا العلم والتقوى
- رجل2: مفيش غيرهم عليا الطلاق با الثلاثة هما اللي عمولها
- رجل3: قصدك مين ؟

- رجل2: الداعشة ..قللات الذمّةوا لدين .. الكفرة .. كلاب أهل النار (تتجمع الجماهير حول جثمان الشيخ عماد)
(وتهتف بانتظام) .. لاإله إلا الله محمد رسول الله , الله يا دا يم / يا دا يم /ولا دا يم غير الله
- الجميع: : "يا أبو د بورة ونجمة وكاب .. ها تعمل آيه مع الأرهارب "
" القصاص القصاص الشهيد ضربوه رصاص"
- رزق: عايش باغني وسط الليل والميل والمواويل .. و الغنا دمعة شجن بين يا ليل يا عين يا ليل حاسس بيكي يا محروسة من بين الوجود كله .. هوه عشقي ليكي مش برضه يبقى دليل.. أنت مين؟ .. أنا المصري.. أنت مين؟ أنا المصري
- دنيا: أنا الأصالة والأنسانية أنا الكرامة والمفهومية
- رزق : والحديث كله هنأيا مصر يا مؤذنة/أشهدولنا يا موحدين /أنا المصري أنت مين ؟ أنا مش عارف كنتا مين
- دنيا: أنت كوهيني أمريكي ولا خورنج وكيوريكي /ولا أخواني ماسوني ..أنتوا ليه بتأسلموني
- رزق: ومهماها تكون المشاكل/ عند ربي حلها/بعثوا دينكم با الرخيص خنتوا مصر/ يا حثالة لانجليز يله يا شوية معيز .. أنا المصري أنتوا مين ؟
- الجميع: مصر لكل المصريين
- دنيا : دي شريعتنا من زمان .. مفيش بينا أي تعصب .. ويجمعنا أحلى مكان .. صبح صبح على بلدي
- رزق: الهموم زادت يا بلدي/ والوجع جلاّد عنيد/ نقربله / نلاقي خوفنا جوانا / يضفر حزننا عناقيد ينسينا عموم فرضي / ويلم فقرنا أرضي /أنا مرضي/ ومش مرضي / همومك طابقة على عرضي/ وده مَرَضِي / ده شئ عَرَضِي/وعمري ما كنت إخواني / ولا شيوعي / ولا رجعي / أنا انسان / أنا المصري / رصفتيني كده عرضي
- دنيا : ووقفينا في الطوابير / وأنا المصري /و كنت زمان سابق عصري
- رزق: داأنا المصري / ورثت الغلب/ كده حصري / وأنا المصري
- دنيا : يا خوفي لأتغرب ماشوفك / أوصلي أمنك بخوفك / يلي ف سنين الغربة /بعتي روحك / با الرخيص / كنت رايحة للهويس / /كنت فكرك ها تبعيني / بس ربك ما رضيش

- سامی محمد ابراہیم فرغلی

- دنيا : مددك أيد .. وعندي جديد .. بقلب جديد .. ومستنيكي فرحانة في حارة العيد
- رزق: وما خفتش ولا كليت .. ولا مليت .. وولدك إمتحنوا في البوكليت .. لحدك .. قاموا عليا الحد ولا رجعتيش ما الفراق إحتد .. وبيكي حطوا أيد ع الخد .. ومنك الدموع تنهد
- دنيا : وليكي أرواحنا ترخصلك وأبيع ما عندي من غالي
- رزق : ها نبيع التراب غالي .. ولا رخيص .. ميكفيش
- دنيا: ترابك نبضه خلاني / أعيشلك نبت أنساني/ أنا بحبك .. أنا بحبك .. وعشقي دام وعمره ما شط
- رزق: بعيد عنك ولاد الكلب / ما هانوكي / ما ضروكي .. وربى صانك يا طيبة / يا حبيبة القلب
- دنيا: يا شعب يا مكبوتُ غنى وتباريح /من فجر التاريخ ماشفت يوم تفاريح /آيه اللي جد عليك يا شعب مت قلبي
- طول عمرك مقضيها بمب على مرا جيح
- رزق: متفكريش إن قلبي أَل عبيط /وأنك يا روحي .. مصاحبة الجدع .. ما خلاص جربنا البدع الصدق ملاني با الجراح .. وعملت فيها بهلوان .. عشان خطرک
- دنيا: أنا اللي يوم ما حبيتك كانت انطلاقه
- رزق: وعمرى في يوم ماها أتأخون ولا أخون ولا أنسى جمالك علينا
- دنيا : يلي جوه حضنك سعيينا ومشينا با المشوار ياست الدار.. ما خلاص في إيدينا القرار
- الله عليكى ربي حميكي .. من أي عين بتطق شرا ر
- رزق: على كل لون الحياه / على كل لون يا بشر/ بشر بتخلق حياه/ و بشر بتقتل بشر
- دنيا: يا ما في السجون مظالم والأسم رد سجون / والمبتلي مهما يقاسي معجون كده بشجون/ والرحمة لو كانت شحيحة من عند ربنا / ما كانتى يا دنيا ولا كان فيها قلب حنون رزق: يا مغرور فين دولتك / وركابك الغالي / يا مزوء دونيتك / بخيالك الفاني / فيه رب أسمه الكريم / بيقدرك المكتوب / كده.. كده عشاننا متقدر وده محسوب / واللي يقوله المولى / يتنفذ قوام على طوووووووول

- سامی محمد ابراہیم فرغلی

- رجل2: مدد يا سيد يا بدوي مدد
- رجل 1: مدد يا عبد الرحيم يا قناوي مدد
- رجل3 : مدد يا مرسي يا أبو العباس مدد
- رجل4: مدد يا دسوقي مدد
- رجل 1: مدد يا حسين مدد
- جميعا :مداد يا مصري مدد
مات في أرضك كام شهيد في ألف غيره بيتولد مدد مدد مدد مدد
شدي حيلك يا بلد أن

(ســـــــــــــــــــــتار)

مقدرش على كذا و مقام السيدة

للمؤلف : سامي محمد إبراهيم فرغلي

يناير 2017م

إنتهت المسرحية بإذن الله

صدر للمؤلف :

ديوان شعر عامية (غنى ياسمسية) طبعة أولى 2015 عن دار الإسلام للطباعة والنشر
بالمنصورة

ديوان (ع السمسسية) عن دار همس للطباعة الطبعة الأولى 2017

وتحت الطبع

مسرحية كوميدية (سقاطة الوالى)
ديوان شعر بالعامية (السمسسية نغم)

الفهرس

| | |
|-----------------|----|
| الإهداء | 3 |
| تتويه | 4 |
| شخصيات المسرحية | 5 |
| المشهد الأول | 7 |
| المنظر | 7 |
| المشهد الثانى | 40 |
| المنظر | 40 |
| المشهد الثالث | 47 |
| المنظر | 47 |
| المشهد الرابع | 52 |
| المنظر | 52 |
| (الأغنية) | 53 |
| المشهد الخامس | 64 |
| (المنظر) | 64 |
| صدر للمؤلف : | 79 |
| الفهرس | 80 |